

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiitaliani siulittaasut nalunaarutaat.

Aningaasaqarnermut tunngasut

- Imm. 04** 2010-mut missingersuutit 2011-miillu 2013-mut missiliuutit aappassaaneerera.
- Imm. 05** Isertitanut appariartortunut matussutissatut immikkut aningaasaliissuteqarnissaq.
- Imm. 06** Minngortuunnguup Atuarfiata iluarsarneqarnissaanut immikkut aningaasaliissutinik katillugit 1.9 mio kr-nik qinnuteqaat.
- Imm. 07** Inuusuttut ornitagaat Nutaqqamiik immikkut aningaasaliissutinik qinnuteqaat
- Imm. 08** Ulluunerani paaqqinnittarfinni sulisut meeqqallu amerlassusiligaanerisa allanngortinneqarnerat.
- Imm. 09** Nunaqarfinni ulluunerani paaqqinnittarfiit Sisimiunilu meeraaqqeriviup.

Suliassat nalinginnaasut

- Imm. 10** Sisimiut Kommuneani kukkunersuisut nalunaarutaat nr. 70 aamma nr. 71.
- Imm. 11** Maniitsup Kommuneani kukkunersuisut nalunaarutaat nr. 61 aamma nr. 62.
- Imm. 12** Sisimiut Kangerlussuullu akornanni aqqusineq – aqquserngup ingerlavissaattut siunnersuut.
- Imm. 13** Qeqqani Inuusutissarsiuutinut Siunnersuisoqatigiinnik kiffartuussinissamik isumaqatigiissut.
- Imm. 14** Sinniisut akissarsiaat pillugit nassuiaat.
- Imm. 15** Kommunalbestyrelsip Aningaasaqarnermullu ataatsimiitaliap 2010-mi ataatsimiit-tarnissaasa ullulerneru.
- Imm. 16** Imigassanik nioqquteqarsinnaanermut qinnuteqaat – Butik Aavu, B-695, Maniitsoq.
- Imm. 17** Oqaluuserisassatut siunnersuut – Qimatulivimmuut tunisisarneq.
- Imm. 18** Oqaluuserisassatut siunnersuut – Qeqqata Kommuniani uumasut nakorsaannik atorfinitsitinissaq.
- Imm. 19** Oqaluuserisassatut siunnersuut – Sanaartornermik Ilinniarfimmiit Kussangasumut majuartarfiit qullilernissaat
- Imm. 20** Oqaluuserisassatut siunnersuut – Angajoqqaat imigassamik, ikiaroorartumik pinnguaatinilluunniit atornerluisimasutut katsorsartissimasut meerartaasa ikiorneqartarnissaat eqqarsaatigalugu iliussissatut pilersaarusiortussanik pilersitsinissaq.
- Imm. 21** Apeqquteqaat – Sisimiut Aviisiat SIVDLEQ, atuartartut ilanngunniagaat ka-laallisut qallunaatullu allagaqaatit taamaallaat ilanngussinnaavai.
- Imm. 22** Pilersuisup Kangaamiuni illuutaa B-88 pillugu apeqquteqaat.
- Imm. 23** Tamalaat.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Sisimiuni ataatsimiinneq aallartippoq nal. 08.35

Peqataasut:

Atassut

Godmand Rasmussen, Sisimiut – Søren Alaufesen taarserlugu
Kristian Kreutzmann, Sisimiut – Karl Davidsen taarserlugu
Bitten Heilmann, Maniitsoq

Inuit Ataqtigiiit

Ane Marie Schmidt Hansen, Sisimiut
Anda Berthelsen, Sarfannguit
Olga Berthelsen Ljungdahl, Sisimiut
Katrine Larsen Lennert, Sisimiut
Regine Petrussen, Sisimiut – Beathe Poulsen taarserlugu

Siumut

Hermann Berthelsen, Sisimiut
Evelyn Frederiksen, Sisimiut
Alfred Olsen, Sisimiut
Efraim Olsen, Kangaamiut
Hans Frederik Olsen, Sisimiut
Marius Olsen, Sisimiut – Morten Siegstad taarserlugu
Fritz Baumann Petersen, Kangerlussuaq – Karl Lyberth taarserlugu. Matoqqasuuniit peqataalerpoq

Nalunaaruteqarlutik peqataanngitsut:

Søren Alaufesen (A)
Karl Davidsen (A)
Beathe Poulsen (IA)
Karl Lyberth (S)
Morten Siegstad (S)

Nalunaaruteqaratik peqataanngitsut

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 01 Oqaluuserisassat akuersissutigineri

Aalajangiineq

Imm. 08 oqaluuserisassanit peerneqassasoq borgmesterimit nalunaatigineqarpoq.

Tamalaani apeqquteqartoqassaaq.

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Borgmesterip nalunaarutaa oqaaserineqartut ilanngullugit tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Ataatsimiititaliani siulittaasut nalunaarutaat oqaaserineqartut ilanngullugit tusaatissatut tiguneqarput.

Qeqqata Kommunia
Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 04 2010-mut missingersuutit 2011-miillu 2013-mut missiliuutit aappasaaneerera

Journalnr. 06.01.01

Kommunalbestyrelsip oktobarip 27-ni 2009-mi ataatsimiinnermini siullermeerinninnermini aningaasaqarnermut ataatsimiititaliap innersuussutai akuersissutigivai. Ataatsimiinnermini peqatigitillugu kommunalbestyrelsip immikkut aningaasaliissuterpaaluit akuersissutigivai. Tamatuma kinguneranik 2010-mut missingersuutit ukiunullu 2011-miit 2013-mut missiliuutit imatut isikkoqalerlutik:

Konto	Kontup taaguataa	2010-imut missingersuutit	2011-imut missiliuutit	2012-imut missiliuutit	2013-imut missiliuutit
1	Allaffissornermut tunngasut	92.289	92.289	92.289	92.289
2	Teknikkimut Avatangiisinullu tunngasut	34.846	34.846	34.846	34.846
3	Suliffissaqartitsiniarnermut inuussutissarsiornermullu tunngasut	21.051	20.901	20.901	20.901
4	Isumaginninnermut tunngasut	108.709	108.709	108.709	108.709
5	Atuartitsinermut kultrimullu tunngasut	215.538	214.534	212.694	212.694
6	Pilersuinermut tunngasut	8.089	8.089	8.089	8.089
	Ingerlatsinermut aningaasartuutit katillugit	480.522	479.368	477.528	477.528
7	Sanaartornermut tunngasut	62.824	52.436	29.700	19.781
	Aningaasartuutit katillugit	543.346	531.804	507.228	497.309
8	Isertitat	-531.900	-509.600	-509.600	-509.600
	Naammassiat	11.446	22.204	-2.372	-12.291
9	Nikerarnermi killiffiit	14.788	1.000	1.000	0
	Oqimaqatigiissitsineq	26.234	23.204	-1.372	-12.291
	Ukiup aallartinnerani karsimiittuutit (1)	53.431	27.197	3.993	5.365
	Ukiup naanerani karsimiittuutit	27.197	3.993	5.365	17.656

Tamakku saniatigut qitiusumiit avammut nalunaaruteqartoqarnikuvoq, taamatuttaarlu suli aamma immikkut aningaasaliissuteqarnissamik qinnuteqaateqartoqarnissaa pisariaqarsimalluni:

1. Isumaginninnermut Naalackersuisoq Maliina Abelsen oktobarip 15-ni 2009-mi allakatigut nalunaaruteqarpoq, Sisimiuni Maniitsumilu ilaqutariinnut sullissivinnut tapiissuteqartoqaaqqis-sanngitsoq.
Ilaqutariinnut sullissiviit taakku marluusut immikkut 650.000 koruuninik 540.000 koruuninillu tapiiffigineqartussatut 2010-mi missingersuutitigut ukiunilu missiliuuteqarfiusuni ilanngunneqarnikuupput. Taamaattumik 1.190.000 koruunit iluarsissutigineqarnissaat pisariaqarluni. Aningaasaqarnermut immikkoortortaq isumaqarpoq, aallaqqaammut 2010-muinnaq aningaasaliissutissatut akuersissutinik iluarsissuteqartoqassasoq, 2010-llu upernaavani ilaqutariinnut sullissiviit nalilersuiffigeqqittariaqartut, taamatuttaarlu ilaqutariinnut sullissiviit annertusittariaqas-sanersut nalilersuiffigalugu. Tamatuma saniatigut kommunini ilaqutariinnut sullissiviit tapiiffigineqaannartarnissaat Namminersorlutik Oqartussanut oqaloqatigiissutaasariaqarluni.
2. Ataatsimoortumik tapiissutit pillugit isumaqatigiinniarnert massakkorpiaq uninngapput, kisiannili Namminersorlutik Oqartussat kuuffissuit pillugit iluarsissutissatut 2010-miit 2014-imut siunnersuummik ilanngussisimapput. Siunnersuummi ilaatigut ilaatinneqarluni, Qeqqata Kommunia januarip 1-ani 2010-miit Kangerlussuarmi kuuffissuarnut attavilersuinerit akisus-saaffigilissagai.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Ataatsimut katillugit Qeqqata Kommuniata siunnersuut naapertorlugu kuuffissuit iluarsartuun-nerinut ukiumut 7.085.000 koruunit pissarsiarissallugit, imatut agguataarlugit Kangerlussuarmut 4.360.000 koruunit, Sisimiunut 1.959.000 koruunit kiisalu Maniitsumut 766.000 koruunit.

Aningaasaliissutissat taakku kommunip sanaartornermut missingersuusiaanut ilanngunneqata-riaqaraluarput. Kanukoka-lli aningaasartaasa qaffanneqarnissaat angusinnaappagu, tak. kuuffis-suarnut aningaasaliissutit pillugit marloriaatinnngortitsinissamik kattuffiup siunnersuutaa, kuuf-fissuarnut aningaasaliissutit immikkut aningaasaliissuteqarnikkut qaffanneqarsinnaapput.

3. Kuuffissuarnik iluarsartuussinissamut aningaasaliissutit saniatigut, massakkumut ataatsimoortu-mik tapiissutitigut sulii allatigut toqqammavilimmik aningaasaliissuteqarniarneq takussutissa-qanngilaq.
Aningaasaqarnermut immikkoortorta q isumaqarpoq, missingersuutitigut tapiissuteqarnikkut pi-sussaaffiliussat allat kommunip isumannaarai. Taamaakkaluarli kommuni ataatsimoortumik ta-piissutinik qanoq annertutigisunik pissarsitinneqarnissaa nalorninarluni.
Aningaasaqarnermut immikkoortorta q isumaqarpoq, kuuffissuarnut iluarsartuussinissamut aningaasaliissutit ilanngullugit ataatsimoortumik tapiissutit isertitassatut massakkumut ani-ngaasartaliussat taamaatinneqarallaanmassasut.
Namminersorlutik Oqartussat Kanukokalu sumut tunngatinnissai aalajanginngikkaluarlugit 30 mio. koruuninik sipaaruteqarnissaq isumaqatigiissuteqaatigissagaluarpassuk – Namminersorlutik Oqartussanit siunnersuutit – taava 5-6 mio. koruuninik immikkut aningaasaliissuteqarnissaq pisariaqalissaaq, taakkulu 2010-mi attartornikkut kiisalu ingerlatsinikkut sanaartugassati-gulluunniit ukiuni missiliuuteqarfiusuni sipaaruteqarnikkut aningaasaliiffigalugit.
4. Kanukoka oktobarip 5-ni 2009-mi mailikkut nalunaaruteqarput, 2010-mi kattuffimmut akiliut Qeqqata Kommunanut 2.190.953 koruuniussasooq. Taamaallaat 1.953.000 koruunit Kanukoka-mut akiliutissatut missingersuutiniippat.
Taamaattumik sulii 238.000 koruuninik 2010-mi missingersuutitigut ukiunullu missiliuuteqar-fiusunut iluarsissuteqarnissaq pisariaqarluni.
Aningaasaqarnermut immikkoortorta q isumaqarpoq, kattuffimmut akiliutissaq minnerujussuu-sariaqaraluartoq. Aaqqissuusseqqinneq kommuninik ikilileriffiuvoq, aningaasaqarnermullu im-mikkoortorta q isumaqarpoq, kommunit kattutinnginnerini Kanukokap kommunit minnerit sul-litarinerugai. Kommunit ikinnerulernerini Kanukokamut aningaasartuutitigut annertuumik millile-riffiusutut takussutissaqartariaqaraluarpoq, 2008-mimi naatsorsuutitigut 51 mio. koruuninik aningaasaateqartoq takuneqarsinnaavoq.
5. Aningaasaqarnermut ataatsimiititaliaq oktobarip 19-ni 2009-mi ataatsimiinnermini aalangiivoq, kommunip pigisai neqeroorut akikinnerpaaq atorlugu sillimaserneqassasut. Kommuni siunnersuisooq Willes ikiortigalugu kommunip sillimasiissarnerinut tunngasutigut neqerooru-teqartitsinikuvoq. Tamatumuunalu 900.000 koruunit 2010-mut missingersuutitigut ukiunullu missiliuuteqarfiusunut sipaarutaallutik.
6. Aningaasaqarnermut ataatsimiititaliami kommunalbestyrelsimilu novembarimi ataatsimiinnerni oqaluserisassanut 2009-mi immikkut aningaasaliissuterpaalut ilaapput, tamakkulu ilaat 2010-mi ingerlatsinikkut missingersuutitigut ukiunullu missiliuuteqarfiusunut iluarsissuteqarfiusus-saallutik. Immikkut aningaasaliissuteqarfissatut suliat isertitakinneruleriartornermik, atuarfiit iluarsartuunernerit kiisalu inuusuttut ornittagaat Nutaraq toqqammaveqarput.
Taamaattumik tamakku malitsigisaannik 2009-mi 5.627.000 koruuninik kiisalu 2010-mi 1.224.000 koruuninik ukiunullu missiliuuteqarfiusunut sulii iluarsissuteqarnissaq pisariaqarti-taavoq.

Qeqqata Kommunia
Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Matuma qulaaniittut ataatsimoortillugit imaapput, 2009-mi karsimiittuutissat taamalu ukiup aallartinnerani karsimiittuutissat 7.657.000 koruuninik ajornerulersitsisussaapput,

Konto	2009-mi immikkut aningaasaliissutit	2009
80->88	Isertitakinnerulerneq	5.627.000
53	Inuusuttut ornittagaat Nutaraq	117.000
75	Atuarfiit iluarsartuuneri	1.913.000
	Katillugit	7.657.000

2010-mut missingersuutini ukiunullu missiliuuteqarfiusunut aningaasartuutit 2010-mi katillugit 1.752.000 koruuninik ukiunullu missiliuuteqarfiusunut 562.000 koruuninik iluarsisutaassapput.

Konto	Isertitatigut iluarsisutit	2010	2011	2012	2013
80->88	Isertitakinnerulerneq	1.224	1.224	1.224	1.224
49	Ilaqutariinnut sullissiviit	1.190			
72	Kuuffissuit iluarsartuuneri	7.085	7.085	7.085	7.085
83	Ataatsimoortumik tapiissutit	- 7.085	- 7.085	- 7.085	- 7.085
18	Kanukokamut akiliutigeqqitassat	238	238	238	238
18	Sillimmasiissutit	-900	-900	-900	-900
	Katillugit	1.752	562	562	562

Iluarsiissutit tamakku ataatsimut katillugit imaappoq, kommunip missingersuutai imatut isikkoqalissasut:

Konto	Kontup taaguataa	2010-imut missingersuutit	2011-imut missiliuutit	2012-imut missiliuutit	2013-imut missiliuutit
1	Allaffissornermut tunngasut	91.627	91.627	91.627	91.627
2	Teknikkimut Avatangiisinullu tunngasut	34.846	34.846	34.846	34.846
3	Suliffissaqartitsiniarnermut inuussutissarsiornermullu tunngasut	21.051	20.901	20.901	20.901
4	Isumaginninnermut tunngasut	109.899	108.709	108.709	108.709
5	Atuartsinermut kultrimullu tunngasut	215.538	214.534	212.694	212.694
6	Pilersuinermit tunngasut	8.089	8.089	8.089	8.089
	Ingerlatsinermit aningaasartuutit katillugit	481.050	478.706	476.866	476.866
7	Sanaartornermit tunngasut	71.409	58.021	36.785	26.866
	Aningaasartuutit katillugit	552.459	536.727	513.651	503.732
8	Isertitat	-537.761	-515.461	-515.461	-515.461
	Naammassisat	14.698	21.266	-1.810	-11.729
9	Nikerarnermi killiffiit	14.788	1.000	1.000	0
	Oqimaagatigiissitsineq	29.486	22.266	-810	-11.729
	Ukiup aallartinnerani karsimiittuutit (1)	45.891	16.405	-5.861	-5.051
	Ukiup naanerani karsimiittuutit	16.405	-5.861	-5.051	6.678

Nakkutilliisoqarfiup ataatsimoortumik aningaasartuutit 5 procentiinik karsimiittoqarnissamik piumasagaataa ima kinguneqassaaq, 2010-mut missingersuutissatut siunnersuutit saqqummiussat tunngavigalugit ukiup naanneranut karsimiittuutissat aningaasartuutissanut sanilliullugit minnerpaamik 28 mio. koruuniusariaqartut. Nakkutilliisoqarfiup piumasagaataa pisariaqassappat 12 mio. koruuninik attartornikkut naammassineqassaaq. Tamaattoqassanngippat missingersuutissatut saqqummiussani sipaarutissat iluarsisutaasariaqassapput.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliaq suliarivaa.

Missingersuusiornermi isumasioqatigiinnermi pingaarnersiulluni tulleriarinerit kommunalbestyrelsip ataatsimiinnissaanut ilanngussatut ikkunneqassaaq.

4-mi taaneqartut KANUKOKA-mut akiliutip qaffanneqarnera pillugu KANUKOKA-mut saaffiginnissutigineqassaaq.

Kommunalbestyrelsimut innersuussutigineqassaaq Aningaasaqarnermut ataatsimiititaliaq attartorsinnaanermut pisinnaatinneqassasoq.

Innersuussut

Aningaasaqarnermut ataatsimiititaliap kommunalbestyrelsimut akuereqqullugit innersuussutigissavai:

missingersuutissatut siunnersuut saqqummiunneqartoq (2010-mi 29,4 mio. koruuninik amigartooruteqartumik oqimaaqatigiissitaq) 2010-mut missingersuutissatut ukiunullu missiliuuteqarfiusunut 2011-miit 2014-mut missiliuutissatut akuereqqullugit

akileraarutissatut procenti allanngorani suli 25%-**sasoq**

akigititat Qeqqata Kommuniani akigititassatut allartorsimaffik malissagaat (ilanngussaq 2)

pisariaqartitsineq aallaavigalugu aningaasaatillu naapertorlugit sanaartugassatut pilersaarutaa-sut ingerlanneqarsinnaassanngippata attartortoqarsinnaassasoq

Aningaasaqarnermut ataatsimiititaliaq attartorsinnaanermut pisinnaatinneqassasoq

Aalajangiineq

Taasinermi innersuussutigineqartut tamarmiusunit akuersissutigineqarput.

Konto 75-80-30-p aningaasartai 1 mio kr.-nit Qeqqata Kommuniani illuaqqiornermut atugassatut 2010-mut nuunneqassasut ilanngullugu akuersissutigineqarpoq.

Ilanngussat

1. 2010-mut missingersuutissat novembarip 6-ni 2009-mi Winformatikkimiit anisitat. (malinnaatinneqarput 9.11.2009)
2. Qeqqata Kommuniani akigititassatut allartorsimaffik.
3. 2010-mut atorfiit akuersissutaasut nalunaarsuiffiat (tunniunneqarput 24.11.2009)
4. Missingersuusiornermi isumasioqatigiinnermi pingaarnersiulluni tulleriarinerit

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 05 Isertitanut appariartortunut matussutissatut immikkut aningaasaliissuteqarnissaq

Journalnr. 06.02.01

Tunuliaqutaq

2009-mut missingersuutit malitseqartinnerinut 2010-mullu missingersuusiornermut atatillugu isertitat appariartortut paasineqarpoq.

Isertitakinnerunermut patsisaasut ilagaat aningaasarsiornikkut ajutoortoqarnera kiisalu akilerarutitut akiliisitsiniartarfiullu qitiusunngortinneqarnerinut atatillugu suleriaatsit allanngortinneqarneri, missingersuutit eqqarsaatigalugit sulii ilanngunneqanngitsut.

Maleruagassatigut tunngavissaq

Immikkut aningaasaliissutit kommunalbestyrelsip akisussaaffigivai.

Pissutsit atuuttut

Missingersuutit malitseqartinneqarnerinut atatillugu immikkoortuni tullinnguuttuni isertitassat amigaateqartut paasineqarpoq:

Konto-mi 80-01-00-90-03 aamma 80-01-00-90-04 Qeqqata Kommuniani sulisunik Qallunaat Nunaanni nujugalinnit akileraarutitigut iluanaarutissanut taartisiassanullu isertitassanut missingersuusiorortoqarsimanngilaq. Taamaakkaluortoq Akileraartarnermut Aqutsisoqarfiup nalunaarutigaa, immikkoortuni marluusuni 2009-mi missingersuutini 1.189.000 koruuninik aamma 1.071.000 koruuninik kiisalu 2010-mut missingersuutininut ukiunullu missingersuusiorfusunut kontoni tamani 1 mio. koruuninik iseritaqarumaartugut.

Konto-mi 81-01-00-90-01 selskabit akileraarutissaattut isertitassatut 7.900.000 koruunit missingersuusiuugaapput, kisianni Akileraartarnermut Aqutsisoqarfiup nalunaarutigaa, selskabit akileraarutaat taamaallaat 4.336.525 koruuninik annertussuseqassasut. Taamaattumik 2009-mut 3.663.000 koruuninik immikkut aningaasaliissuteqartoqarnissaa pisariaqartinneqarpoq. Selskabit akileraarutissaat isertitassat annikilliarortut 2010-mut missingersuutininut ukiunullu missiliuuteqarfiusunut ilanngunneqarnikuupput, takuuk missingersuutit siullermeerlugit suliarineqarnerat.

Selskabit akileraarutissaasa appariartornerat annertunerusumik aningaasarsiornernerup ajalusoornernanik suliffeqarfifillu sinneqartoortuutaasa appariartornerannik patsiseqarnerugunarpoq. Taamaattorli mininneqassanngilaq, akileraaruseriffiit akiliisitsiniartarfiullu qitiusumik inissinneqarnerineinut atatillugu ajornartorsiuterujussuit ukiuni kingullerni selskabit amigartumik nalimmassaanerininut piseoqataammata.

Konto-mi 85-01-00-86-01 Akileraarutit erniaannut akiligassartaanullu 1.779.000 koruuninik missingersuusiorortoqarnikuuvoq, kisianni akileraaruseriffiup akiliisitsiartarfiullu qitiusumik inissinneqarnerisa, kommuni akileraarutit erniaannik isertitaqarunnaarnera kinguneraa. Taamaallilluni 2009-mut missingersuutini 1.779.000 koruuninik immikkut aningaasaliissuteqartoqarnissaa taavalu 2010-mut missingersuutininut ukiunullu missiliuuteqarfiusunut ikkunneqarnissaat pisariaqartinneqarpoq.

Konto-mi 85-02-00-46-99 Maniitsup Kommunerisimasaata sivisuumik akilersugassanngorlugit attartorsimaneranut ernianut aningaasartuutininut 555.000 koruuninik missingersuusiorortoqarnikuuvoq.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Attartorsimaneq 2008-mi naammassillugu akilerneqarpoq, taamaalilluni aningaasat maannakkuugallartoq atorfissaqartinneqaratik. Tassa 2009-mi isertitassatut aningaasaliissutinik 555.000 koruuninik aningaasaliisoqartariaqarpoq taavalu 2010-mut missingersuutitut ukiunullu missiliuteqarfiusunut ilanngunneqarlutik.

Illuatungaatigullu missingersuusiorkkanut 1,8 mio. koruunit saniatigut erniatigut isertitaqqinnissaq naatsorsuutigineqassanngilaq. Ukiuni kingullerni isertitat taakkunannga annertunerusarnikuupput, kisianni aningaasaqarnerup ajalusoornertigut erniat annertuumik appariartornikuupput.

Konto-mi 86-03-00-79-00 nunagissaanermut akiliutissanut 7.600.000 koruuninik missingersuusiortoqarnikuuvoq., kisianni missingersuusiorkkanermut atatillugu kisitsisit ilarpaaluni kukkusoqarnikuuvoq. Konto-mi 86-02-10-79-00 suliani attartortuunermiit piginnittunngornermut atatillugu Sisimiuni ilaqutariinnut ataatsinut marlunnullu illunik tunianiaanermut 2.520.000 koruunit immikkoortinneqarsimasussaagalarput.

Attartortuunermiit piginnittunngornermut nunagissaanermullu akiliutini aningaasaqarnikkut ajalusoorneq pissutigalugu aamma inissianik nutaanik sanaartortoqarpallaannginnerata kingunerisaanik isertitassatut naatsorsuutigisatut isertitsisoqarnikuunngilaq.

Tassa aappaatigut nunagissaanermut akiliutiniit illunut nammineq pigisanut 2.520.000 koruuninik nuutsisoqarnissaa pisariaqartinneqarpoq, aappaatigullu 2009-mi 4.000.000 koruuninik immikkut aningaasaliisoqarnissaa pisariaqartinneqarluni 3.000.000 koruuninillu ilallugit 2010-mut missingersuutitut ukiunullu missiliuteqarfiusunut ilanngullugit.

Konto-mi 88-00-00-48-00 isumakkeerinninnermut 2.100.000 koruuninik missingersuusiortoqarnikuuvoq, kisianni akiliisitsiniarluni suliaqartarnerup Namminersorlutik Oqartussaniit tiguneqarneranut kommunimut isumakkeerinninnermut nassitsisoqarnikuunngilaq. Tassa 2009-mi 1.000.000 koruuninik isertitassanut immikkut aningaasaliissuteqartoqassaaq 1.000.000 koruuninillu ilallugit 2010-mut missingersuutitut ukiunullu missiliuteqarfiusunut ilanngullugit.

Aningaasaqarnikkut allaffissornikkullu kingunerisinnaasai

Tamakkerlugit kommunip 2009-mi missingersuutaanut 2010-mullu missingersuutitut ukiunullu missiliuteqarfiusunut tullinnguuttutigit kinguneqassaaq:

2009-mut missingersuut

Konto	Taaguutaa	Missingersuut 2010+	Immikkut aningaasaliissutit	Aningaasaliissutit 2010+
80-01-00-90-03	Akileraarutitigut isertitat	0	-1.189.000	-1.189.000
80-01-00-90-03	Sulisut akileraarutaatigut taartisiassat	0	-1.071.000	-1.071.000
81-01-00-90-01	Selskabit akileraarutaat	-7.900.000	3.663.000	-4.237.000
85-01-00-86-01	Akileraarutit erniaat akiligassartailu	-1.779.000	1.779.000	0
85-02-00-46-99	Ernianut aningaasartuutit	555.000	-555.000	0
86-02-00-79-01	Inissianik tunisineq	0	-1.520.000	-1.520.000
86-03-00-79-00	Nunagissaanermi akiliutit	-7.600.000	5.520.000	-2.080.000
88-00-00-48-00	Isumakkeerinninnerit	2.100.000	-1.000.000	1.100.000
Katillugit		-14.624.000	5.627.000	-8.997.000

Qeqqata Kommunia
Kommunalbestyrelsip novembarip 24-ani 2009-mi ileqquusumik ataatsimiinnera 06/2009

2010-mut missingersuut ukiullu missiliuuteqarfiusut

Konto	Taaguutaa	Missingersuut 2010+	Immikkut aningaasalii ssutit	Aningaasalii ssutit 2010+
80-01-00-90-03	Akileraarutitigut isertitat	0	-1.000.000	-1.000.000
80-01-00-90-03	Sulisut akileraarutaatigut taartisiassat	0	-1.000.000	-1.000.000
85-01-00-86-01	Akileraarutit erniaat akiligassartailu	-1.779.000	1.779.000	0
85-02-00-46-99	Ernianut aningaasartuutit	555.000	-555.000	0
86-02-00-79-01	Inissianik tunisineq	0	-1.520.000	-1.520.000
86-03-00-79-00	Nunagissaanermut akiliutit	-7.600.000	4.520.000	-3.080.000
88-00-00-48-00	Isumakkeerinninnerit	2.100.000	-1.000.000	1.100.000
Katillugit		-6.724.000	1.224.000	-5.500.000

Allaffeqarfiup naliliinera

Allaffeqarfiup nalilerpaa, eqqornerusunik missingersuuteqarniarluni nuutsinissat immikkullu aningaasaliissutissat qulaani taaneqartut pisariaqartut. Konto ilarpaaluini, assersuutigalugu nunagissaanermut akiliutini nalornissutigineqartuaannassaaq, immikkoortumi kommuni qanoq annertutigisumik isertitaqarsinnaanersoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliaq suliarivaa.

Innersuussut

Allaffeqarfiup aningaasaqarnermut ataatsimiititaliamut kommunalbestyrelsimullu inaarutaasumik akueresassanngorlugu innersuussutigissavaa,

eqitsisit qulaaniittut naapertorlugit 2009-mi katillugit 5.627.000 koruuninik immikkut aningaasaliissuteqartoqassasoq aammalu 2010-mi missingersuutitut ukiunullu missiliuuteqarfiusunut 1.224.000 koruunit ilanngunneqassasut

Aalajangiineq

Innersuussutigineqartoq akuersissutigineqarpoq.

Ilanngussaq

1. Konto qaffasinnerpaaffilerlugu konto 8-mik 2009-mi oktobarip naanerani oqimaaqatigiisitsinermi anillatsitaq - isertitat

Imm. 06 Minngortuunnguup Atuarfiata iluarsarneqarnissaanut immikkut aningaasaliissutinik katillugit 1.9 mio kr-nik qinnuteqaat

Journalnr. 51.00 / MA

Tunuliaqutaq

Minngortuunnguup Atuarfia illoqarfiup qiterpasissuaniilluni Guutaap Aqqusernganit Mannarsip Aqqusernganiillu tikinneqarsinnaavoq. Illoqarfiup atuarfiinit atuarfik nutaannginersaavoq. Atuarfik tamakkerluni 4.342 m²-iuvoq, tassanngalu atuartitsiviusoq katillugu 4.114 m²-iulluni Kigutileriffik 228 m²-iuvoq. Atuarfik 1949-mit 1970 tikillugu ineriartortinneqarsimasoq tallimanik B-normoqarluni illutai aqqaniliupput.

Illutai tamarmik nutaanngilisimaqisut aserfallatsaalineqartariaqarput. Illuutit B-720, B-718 aamma B-719 pukkingaarmata atuartitsivissatut atussallugit naleqqutinnngillat. Illuutit ilaat imminnut qanigaarmata anitsiartarfikipput. Illuutit tamarmik annertuumik nutarterneqarunik allanngortiterneqarunillu atuartitsivigineqarsinnaassasut nalilerneqarpoq.

Sullivinnik Nakkutilliisoqarfiup Minngortuunnguup Atuarfia 2008-mi juunip tallimaani alakkarterpaa, 2008-milu juunip 20-ani ullulerneqarsimasunik tullinnguuttumik allakkiatigut piumasaqaasiorluni.

Minngortuunnguup Atuarfiata nakkutilliilluni alakkarterneqarnerani eqqartorneqarpoq, illuutini B-115a, B-115b aamma B-718-imi oqummik nassaarfiusimasut.

Illuni pineqartuni oqul Sullivinnik Nakkutilliisoqarfiup nammineerluni takunngilaa, illuutilli pineqartut pillugit SANATI A/S-ip 2007-imi maajip qaammataani nalunaarusiaanik tunineqarsimallutik.

Nalunaarusiani pingasuusuni atuarneqarsinnaavoq, illuutit taakku pingasut tamarmik kiilerii qaliaasalu ilaat oqoqartut.

Tamatuma saniatigut paasineqarpoq, kiilerit qaliallu ilaatigut errorfinnut, qullernut pequtinullu nutaanngitsunut toqqorsimavittut atorneqartut. Sanaartornermi atorneqarsimasut sinneri ilaatigut soorlu asfaltpap-it, kiffiutissat poortuutissallu plastikkiusut kiilerimi aamma nassaarineqarput. Nalunaarusiami aamma atuarneqarsinnaavoq, kiilerimi sumiiffiit ilaanni tasinnunguunneqartoq.

Tamatuma saniatigut Sullivinnik Nakkutilliisoqarfik paasissutissiiffigineqarsimavoq, ilinniartitsisut arlaqartut illuni pineqartuni akunnialunni ilinniartitsisimagaangamik inuummarlertartut, niaqorlulertartut, timikkut naajorartartut qasulertartullu.

Atuarfimmuut nakkutilliilluni pulaarnermut atatillugu aamma paasineqarpoq, sukkut tamaana iikkaat qaliallu isugutammik imermilluunniit ajoquserneqarsimasut.

Sullivinnik Nakkutilliisoqarfiup naliliinermini una aallaavigaa; Kalaallit Nunaanni suliassat qanoq suliarineqartarnissaannik Arbejdsministeriap nalunaarutaa nr. 395, 1986-imi juunip 24-aneersumi § 6-imi imm. 1 imaattoq: nipinit, qinnqornernit, akuutissanit atortussaniillu pisariaqanngitsumik sunniuteqartitsinissat pinaveersaartinneqassapput. Sulinerup nalaani nipitigut, qinnqornertigut, akuutissatigut atortutigullu akornusersuutit teknikkikkut ineriartornermut naapertuuttumik sapinngisamik annikinniartinneqassapput, soorlutaaq killiliussatut tunniunneqarsimasut malinneqassassut.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Piumasaqaat imaappoq; sulisut pisariaqanngitsumik akuutissanik atortussanillu sunnertisimaneqannginnissaannik, sulisullu peqqissutsikkut akornuseratarsinnaatillugit illuni pineqartuni sulisoqannginnissaa Sisimiut Kommuniata qulakkeerinninnissaa Sullivinnik Nakkutilliisoqarfup piumasaraa.
Kingusinnerpaamik 2008-mi decembarip 15-iani piumasaqaat naammassineqarsimassaaq.

Siullermik assersuutigalugu kiilerit qaliallu silaannarissarneqarnissaanut akornutaasinnaasut piilarlugillu torersarneqarnerisigut, soorlutaaq kiilerimi tasinnguussimasut imaarneqarnerisigut piumasaqaat naammassineqarpoq.

Tamatuma kingorna qaat oqoqalersimasut tamarmik eqqiarneqarput kiisalu kiilerit qaliallu silaannarissarsinnaaqullugit silaannarissarfilersorneqarlutik.

Tamatuma saniatigut innersuussutigineqarpoq, oquup annertusiartoratarsinnaanera malinnaaffigineqassasoq, tassuunakkullu annertusiartorsimassappat sapinngisamik piaartumik piarneqassasoq.

Maleruagassatigut tunngavissat

Immikkut aningaasaliinissaq Kommunalbestyrelsip sussaqaarfigaa.

Pissutsit atuuttut

Sisimiuni atuarfiit nutarterneqarnissaanut konto 75-imi missingersuutinit atuisimaneq 2009-mi oktobarip naanerani 156,3 % -iuvoq. Atuineq ukiumut tamarmiusumut siammaraanni 75 % -imiittussaagaluarmat, oktobarip naanerani atuisimaneq annertuallaarujussuarpoq.

Annertuallaamik atuisimaneq ilaatigut tullinnguuttunik patsiseqarpoq:

Oquk atuarfiup iluata silaannaanut sunniuteqarnissaanut tullinnguuttut apequtaapput:

- Oquk qanoq annertutiginersoq.

Statens Byggeforskningsinstitut-ip illoqarfinnut nunaqarfinnullu najoqqutassiaa 204 (illuni isugutaap oquullu misissorneqarnissaa nalilersorneqarnissaalu) naapertorlugu inini 15-20 m²-isut atsigisuniikkaanni peqqissutsikkut annertuumik akornusertittoqarsinnaavoq.

Najoqqutassiami tassani aamma oqaatigineqarpoq, inini oquk annertusiartortillugu init taakku oquujarneqarnissaasa tungaanut atoneqassanngitsut. Matumani oquut *Aspergillus versicolor*, *Stachybotrys chartarum* aamma *Trichoderma sp* pineqarput, taakkuummata toqunartoqalersinnaasut.

Taamaattumik init KA / MA3, KA / MA4, KA / MA8 aamma KA / MA10-mik tigusiffigineqarsimasut oquujarneqarsimatinnagit, naammassillugit eqqiarneqarsimatinnagit, soorlutaaq oquujaanerit eqqiaanerillu misissorsimatinnagit atorneqassanngillat.

- Init oqoqarfusut inip silaannaanut annertuumik sunniuteqarnerisut.
- Ini oqoqarsimalluni oquussunnippat.

Sapigaqarneq:

Inuit oquup pujoralaanik sapigallit oquup pujoralaanik najuussuigaangamik minnerusumik annerusumillunniit høfeber-ertutullusooq kakkilertalersarput, qulliliortalersarput il.il., tassangaanniillu astma-qalersinnaasarlutik. Inuit oquup pujoralaanik sapigallit piffissap sivisuup ingerlanerani oquup pujoralaanik annertuumik najuussuisimagunik sapigaqalersutigisinnaavaat.

Dansk bygningsanalyse suleqatigalugu 2008-mi aggustip 21-ani aamma 2008-mi septembarip 29-ani misissugassanik tigusisoqarpoq.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

2008-mi aggustip 21-ani misissugassatut tigusat:

B-115 a, kiileri qalialu.

B-115 b, eqaarsaartarfik, uffarfik torsuusarlu.

B-718, atuartitsiviit marluk perusuersartarfiillu.

Misissugassatut tiguneqartut tamarmik annertuumik oqoqartut paasineqarpoq, taamaattumillu atuarmiup iggavia, taquassiorfik, sanaluttarfik B-115 b-milu torsuusaq oquujarneqarnerat aallartinneqarluni.

B-718, atuartitsiviit marluk kiisalu iikkat eqqiarneqarnissaat qalipanneqarnissaallu, B-719-imilu iikkanik eqqiaaneq qalipaaneerlu kiisalu perusuersartarfiit torsuusallu.

2008-mi septembarip 29-ani misissugassatut tigusat:

B-720, atuartitsivik ataaseq.

B-115 a, atuarmiup iggaviata toqqorsivia taquasiorfialu, matumani maleruagassat naapertorlugit eqqiarneqartarsimansersoq qulakkeerumallugu.

B-115 g, kiileri, fysik-ertarfimmut torsuusaq, quleriinni siullermi (1. sal), atuartitsiviit marluk torsuusarlu.

B-115, a atuakkanik atorniartarfiup eqqaani torsuusaq.

B-796, nr. 90 aamma 91.

B-718, atuartitsivik ataaseq, matumani maleruagassat naapertorlugit oquujaaneq ingerlanneqarsimanersoq qulakkeerumallugu.

Illuutit tullinguuttut oquujaaffigineqarsimapput: B-115 g tamarmi, B-796-imi init nr. 90 aamma 91, iggaviup toqqorsivia, taquasiorfik kiisalu B-718-imi atuartitsivik ataaseq. Kingorna oqoqanngitsutut akuerineqarput.

B-115 a, atuakkanik atorniartarfiup eqqaani torsuusaq kiisalu B-720-mi atuartitsivik ataaseq suli oquujarneqanngillat. Atuarfiit nutarterneqarnissaannut kontomi 2009-mi septembarip 16-iani atuisimaneq 156,3 %-imiilluni 944.432 kr.-inik sippuiffiusimammat taakku suli oquujarneqanngillat.

Oquujaanermik suliassaq suli naammassineqanngimmat, Sullivinnillu Nakkutilliisoqarfik IMAK-ilu qisuariaateqartinnagit suliassap naammassineqarnissaanut aallarteqqinneqartariaqarmat, immikkut aningaasaliisoqarnissaa pisariaqarpoq.

Sisimiuni Minngortuunnguup Atuarfianut immikkut aningaasaliisoqarnissaanut qinnuteqaat.

Illuutip kujalliup qaliaani ussiittut	25.000,-
Qalissiami ussiinnersat	25.000,-
Lokale 36, natiup taarsorsorneqarnissaa qalipanneqarnissaalu.	30.000,-
Lokale 24, qaliaata iluarsartuunneqarnissaa qalipanneqarnissaalu	20.000,-
B-796-ip kiileriata silaannarissartarfilernissaa	20.000,-
Illuutip killiup perusuersartarfii, oquujaaneq	100.000,-
Atuakkanik atorniartarfiup silataatungaani oquujaaneq	600.000,-
MA-mi oquujaatitsinermut akiligassanut tamalaanut	148.809,88
Konto 75-50-10-mi – atuarfiit nutarterneqarnerat – sippuisimanermut	944.432,-
Immikkut aningaasaliissutissatut qinnutigineqartut katillugit	1.913.241,8
	0

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Aningaasaqarnikkut allaffissornikkullu kingunerisinnaasai

Nutarterineq naammassisinnaaqullugu missingersuutit naleqqussarneqarnissaannut atatillugu ilanngussaq naapertorlugu katillugit 1.913.241,80 mio. kr.-it immikkut aningaasaliissutissatut qinnutigineqassapput.

Allaffeqarfiup naliliinera

Ilinniartitaanermut Immikkoortortaqarfiup Ilinniartitaanermut, Kulturimut Sunngiffimmullu ataatsimiititaliamut innersuussutigaa, Minngortuunnguup Atuarfiani oqujaanerup naammassineqarnissaanut katillugit 1.913.241,80 kr.-it immikkut aningaasaliissutigineqassasut, suliarlu aningaasaqarnermut ataatsimiititaliamut aalajangiiffigisassanngorlugu ingerlateqqinneqassaoq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap novembarip 3-ani 2009-mi suliaq suliarivaa.

Ilinniartitaanermut Kulturimut Sunngiffimmullu ataatsimiititaliap innersuussutaa

Aningaasaqarnermut ataatsimiititaliamut akuereqqullugu innersuussutigineqassaaq, qulaani taaneqartutut Minngortuunnguup Atuarfiani oqujaanerup naammassineqarnissaanut 1,9 mio kr.-it immikkut aningaasaliissutigineqassasut

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliaq suliarivaa.

Qullersaqarfiup innersuussutaa 1,2 mio koruuninik immikkut aningaasaliissutigineqassasut akuersissutigineqarpoq.

Aamma erseqqissaatigineqassaaq suleriaatsit aqutissat atorlugit ingerlanneqartassasut.

Qullersaqarfiup Oqaaseqaatai

Qullersaqarfiup maluginiaqqussavaa, kommunalbestyrelsi aningaasaliissuteqarsimatinnagu atuisoqartassanngimmat.

Matumanili suleriaatsit paatsuunganeqarsimapput. Sanaartugassanut tunngasut tassalu atuarfiit iluarsatuunnissaat konto 75 Teknikkimut avatangiisinullu immikkoortortap susassa qarfigivaa, taamaattumik tassangaaniit immikkut aningaasaliissuteqarnissamik qinnuteqaat ingerlatittariaqarsimagaluarluni.

Ilinniartitaanermut immikkoortortaqarfiup suliassat aallartitissimavai teknikkimut avatangiisinullu immikkoortortaq avaqullugu, taamaattumik immikkoortortat marluullutik kontomik atuisimallutik. Eqqortumik suleriaasissap malinneqarnissaa ersarissarneqareerpoq, taamaattumillu siunissami taama pisoqaqqinnissaa naatsorsuutigineqarani.

Atuivallaarsimaneq oqaatigineqartutuulli annertutiginnilaq. Immikkut aningaasaliissuteqarnissaq 700.000 koruuninik annikinnerusussaassaaq. Taamaattumik kimmuk immikkoortumi perusersartarfinni oquiaanermut 100.000 koruuninik atuisimaneq eqitsimmi matuma qulaani taaneqartoq, sippuisimanermut ilaareerpoq.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Taamatutaaq atuakkanik atorniartarfiup silataani torsuusami 600.000 koruuninik oquiaanermut atuinissaq tulluarsorinangilaq. Torsuusaq siusinersukkut qulisaalluni aneersuortarfiusimavoq, tamatumalu kingorna matoqqasunngortitaasimalluni, tassa isersimaartarfittut ulisaalluni. Taamaattumik oquk pinngorfissarissaarsimavoq. Torsuusarli atuarfinnik iluarsartuussinissarsuarmut atatillugu iluarsartuutassanngornikummat, nutaamik torsuusaliinissaq atuinerlunneruinnassaaq. Taamaasiornani ingutsiinnartariaqassaaq, aningaasartuutissaraluit sipaarlugit.

Innersuussut

Aningaasaqarnermut ataatsimiititaliap kommunalbestyrelsimut akuereqqullugu ineersussutigissavaa

Minngortuunnguup Atuarfiata iluarsartuunneqarnissaanut 2009-mi 1.213.000 koruuninik immikkut aningaasaliisuteqartoqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. 2009-mi oktobarip aallaqqaataani oqimaaqatigiissitsineq.

Qeqqata Kommunia
Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 07 Inuusuttut ornitagaat Nutaqqamiik immikkut aningaasaliissutinik qinnuteqaat

Journalnr. 06.02.01

Tunuliaqutaq

September 2009-ip aallartilaarnerani, paasineqarpoq erngup aqputaa Nutaqqamut ajornartorsiu-taasoq, imeq maangaannaq seerisoq. Taamaammatt immikkoortoqarfimmi pisortap Nutaqqami sulisut misissoqquusimavaa suna ajornartorsiu-taanersoq. Kingorna paasineqarpoq erngup aqputaani tallimani assigiinngitsunis ruujori putoqalersimasoq, erngullu aqputaa arlalinnit manngertornerluni atorsinnaajunnaalersoq.

Malerugassatigut tunngavissat

Immikkut aningaasaliissutissat kommunalbestyrelsip akisussaaffigai.

Pissutsit atuuttut

Ukiortinnagu iliuseqartoqartariaqarmat, utaqeqqaarnagu erngup aqputaarunnissaa Nutaqqamut, erngullu aqputaarunnera pissutigalugu Nutaraq matusariaqalerluni. Immikkoortoqarfimmi pisortaq aalajangerpoq, piaarnerpaamik engup aqputaa iluarsarneqartariaqartoq, nuna qerinarsinnginnerani. Suliarinnittuuppullu Sisimiut VVS, teknik aps-i. Erngup aqputaa tamaat taarserneqarpoq.

Aningaasaqarnikkut allaffissornikkullu kingunerisinnaasai

Immikkut aningaasaliisoqarnissaanik qinnuteqartoqassaaq katillugit 117.000,- kr-nit, akiligassaq nassinneqarsimasoq najoqqutaralugu, erngup aqputaanik taarsiisimaneq pissutigalugu.

Allaffeqarfiup naliliinera

Ilinniartitaanermi immikkoortoqarfiup innersuusstutigissavaa immikkut aningaasaliisoqarnissaanik qinnuteqartoqassasoq, erngup aqputaa iluarsineqarneranut Nutaqqamut katillugit 117.000,- kr-nit.

Konto Nutaraq	Oqaasertaa	Aningaasat katillugit kr.	Aningaasartuutissat naatsorsuutigineqartut Forbrug kr.	Aningaasar- tuutissat.
53-03-12-22-01 Illuuteq	Erngup aqputaa, Nutaraq	+117.000,-	117.000,-	+117.000,-
	Karsimit aningaasalersornissaa	-117.000,-		-117.000,-

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap novembarip 3-ani 2009-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliaq suliarivaa.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Qullersaqarfiup Oqaaseqaatai

Qullersaqarfiup immikkoortorta qarfinnut ataatsimiititalianullu erseqqissaatigissavaa, kommunalbestyrelsi aningaasaliissuteqaqqaartinnagu aningaasartuuteqaqqusaanngimmat. Soorlu suliap ingerlasimanerata oqaluttuarigaa, aningaasat atorneqareersimasut naak immikkut aningaaqsaliissuteqarnissaq qinnuteqaatigineqarsimanngikkaluartoq. Pilertortumik pisoqassatillugu, borgmesteri kommunalbestyrelsi sinnerlugu immikkut aningaasaliissutissatigut akuersissuteqarsinnaavoq. Suliami matumani borgmesterip immikkut aningaasaliissuteqarnissamik qinnuteqaammik saqqummiussiffigineqarsimanngilaq. Taama suleriaaseqarneq Sisimiuni immikkoortortamut ersarissaaffigineqarpoq.

Innersuussut

Kommunalbestyrelsimut akuereqqullugu innersuussutigineqassaaq,

Eqitsimmi taaneqartutut immikkut aningaasaliissuteqartoqassasoq

Aalajangiineq

Innersuussutigineqartoq akuersissutigineqarpoq.

Ilanngussaq

1. Akiligassaq nassiunneqarsimasoq Sisimiut VVS-imit katillugit kr. 117.000,-

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 08 Ulluunerani paaqqinnittarfinni sulisut meeqqallu amerlassusiligaanerisa allanngortinneqarnerat

Journalnr.

Tunuliaqutaq

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisitigut peqqussutaatigut piumasaqaat naapertorlugu Qeqqata Kommuniani ulluunerani paaqqinnittarfiit missingersuutaat kommunerujussuartaaq akimorlugu naapertuuttunngorsarneqarnikuullutillu iluarsivigineqarnikuupput.

Maleruagassatigut tunngavissat

Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq.

Pissutsit atuuttut

Paaqqinnittarfiit naapertuuttunngorsarneqarnerisa, inatsisitigullu piumasaqaatip naammassineqarnissaata malitsigisaanik sulisoqarnikkut amerlassusililineq ulluuneranilu paaqqinnittarfiit missingersuutaat eqqugaassapput. Inatsit nutaaq naapertorlugu ulluunerani paaqqinnittarfiit ilaanni sulisut amerlassusiligaanerat annertusiallassaaq, ilaannilu ikilisinneqassalluni. Maniitsumi annerusumik allanngortoqassaaq, Sisimiunilu allannguutissat annertunatik. Sulisut amerlassusiligaanerat. Tamakkiisumilli isigalugu sulisut amerlassusaat allannguuteqarani 208,0-uinnassapput.. Meeqquerivimmi inissat 824-miit 843-nngussapput, 2009-mullu sanilliullugu 19-inik amerlanerussallutik.

Daginstitution:	Personalenorm B2009	Personalenorm B2010	Børnenorm B2009	Børnenorm B2010	B2009 i tkr.	B2010 i tkr.	Konsekvens i tkr.
Vuggestuen Nuka, Sisimiut	16,0	15,5	50,0	48,0	4.313	4.315	2
Vuggestue Mikisoq, Sisimiut	4,0	5,0	15,0	12,0	1.171	1.423	252
Børnehave Ajo, Sisimiut	8,5	8,5	36,0	36,0	2.446	2.459	13
Børnehave Sisi, Sisimiut	12,5	12,0	55,0	60,0	3.955	3.586	-369
Fritidshjem Naasoq, Sisimiut	9,0	9,0	66,0	66,0	2.997	2.979	-18
Fritidshjem Sikkersoq, Sisimiut	10,0	10,0	65,0	65,0	2.870	2.961	91
Int.inst. Naalu, Sisimiut	15,0	15,5	48,0	57,0	3.918	4.154	236
Int. inst. Naja/Aleqa, Sisimiut	15,5	15,5	54,0	36,0	3.913	4.024	111
Int. inst. Ungaanguaq, Sisimiut	13,0	12,0	48,0	44,0	3.120	3.340	220
Int. inst. Nuniaffik, Sisimiut	15,5	15,5	64,0	62,0	4.223	4.298	75
Int. inst. Kanaartaq, Sisimiut	15,5	15,5	64,0	64,0	4.224	4.326	102
Aanikasik, Maniitsoq	16,5	15,5	51,0	62,0	4.105	4.164	59
Aja, Maniitsoq	20,0	19,0	63,0	76,0	5.324	5.009	-315
Angajo, Maniitsoq	13,0	12,0	42,0	40,0	3.156	3.208	52
Paarsi, Maniitsoq	14,0	12,0	55,0	52,0	3.208	3.368	160
Nuka, Kangerlussuaq	10,0	15,5	48,0	62,0	3.678	4.486	808
I alt:	208	208	824	842	56.621	58.100	1.479

Kangerlussuarmi Nuka pillugu:

Kangerlussuarmi ulluunerani paaqqinnittarfinni init sisamangornikuupput, qiteqquttarfittut/toqqorsivitut atorneqarnikuusoq init sisammarilermassuk, tamannalu taamatut pisariaqarsimavoq meeqqerivimmut inissamik utaqqisut nungusarniarlugit. Taanna ini ”nutaaq” katillugu 36 kvm-iuvoq, inatsillu naapertorlugu imi tassani meeqqat 18-it paaqqutarineqarsinnaammata sulisut sisamanik amerlisariaqarlutik.

Aningaasaqarnikkut allaffissornikkullu kingunerisinnaasai

Sulisut amerlassusaat allannguuteqarani 208-nik sulisoqartussaavoq, meeqqallu amerlassusaat 824-niik 843-nut amerlisussaallutik 19-ninik. Missingersuutit 1,5 mill. kr.-nik amerlisussaallutik, tassa 2009-mi kr. 56,6 mio. kr.-niik, 2010-mi kr. 58,1 mio. kr.-ninut.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Allaffeqarfiup naliliinera

Sulisut amerlassusiligaanerat aammalu meeqqat amerlassusiligaanerat allannguiffiginissaanut inatsimmi piumasaqaataavoq. Meeqquerivinnut missingersuutit Qeqqata kommuniani kommunerujussuartaq akimorlugu aningaasarsianut aammalu ingerlatsinermut aningaasartuutissat naapertuuttunngorsarneqarnikuullutillu iluarsiivigineqarnikuupput.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap novembarip 3-ani 2009-mi suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliaq suliarivaa.

Innersuussut

Kommunalbestyrelsimut akuereqqullugu innersuussutigineqassaaq,

- Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq naapertorlugu aammalu meeqquerivinnut missingersuutit Qeqqata kommuniani kommunerujussuartaq akimorlugu aningaasarsianut aammalu ingerlatsinermut aningaasartuutissat naapertuuttunngorsarneqarnikuullutillu iluarsiivigineqarnikuusut aallaavigalugit sulisut amerlassusiligaanerat aammalu meeqqat amerlassusiligaanissaat.

Aalajangiineq

Oqaluuserisassanit peerneqarpoq.

Ataatsimiititaliami oqaluuserineqaaqissaaq.

Ilanngussaq

2. Meeqqueriviit naapertuuttunngorsarneqarnissaat pillugu kingunerisinnaasaanik nalilersuineq
3. Maniitsumi meeqqueriviit pisortaasa oqaaseqaataat, 051109
4. Maniitsumi meeqqueriviit pisortaasa oqaaseqaataannut ilanngussat

Imm. 09 Nunaqarfinni ulluunerani paaqqinnittarfiit Sisimiunilu meeraaqqeriviup Mikisoq-p ulluunerani paarsisarfinngortinneqarnissaat

Journalnr. 44.01

Tunuliaqutaq

Meeqqanut suli atualingitsunut perorsaaniikkut inerikkiartuutaasunik ulluunerani neqerooruteqartarneq pillugu Inatsisitigut peqqussutaatigut piumasagaat naapertorlugu Qeqqata Kommuniani ulluunerani paaqqinnittarfiit missingersuutaat kommunerujussuartaaq akimorlugu naapertuuttunngorsarneqarnikuullutillu iluarsivigineqarnikuupput.

Maleruagassatigut tunngavissat

Meeqqanut suli atualingitsunut perorsaaniikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq.

Pissutsit atuuttut

Inatsisitigut piumasagaataasumut sanilliullugu nunaqarfinni ulluunerani paaqqinnittarfinni aamma meeraaqqerivik Mikisoq-mi meeqqat amerlassusiligaanerat – malitsigisaanillu missingersuutit – annerujussuannngussasut naapertuuttunngorsaanerminni paasineqarpoq. Inatsit nutaaq naapertorlugu ulluunerani paaqqinnittarfiit ataatsimik initallit minnerpaamik tallimanik sulisoqartussaapput, tamannalu meeqqat amerlavallannginnerannut sanilliullugu piviusorsiorpalaarani. Taamaattumik ulluunerani paaqqinnittarfiit ulluunerani paarsisarfinngortissinnaanerlutigit KIIINN-imi Kunuunnguaq Fleischer apearput, tamannalu Kunuunnguaq-mit inatsisilerituumiillu Ane Marie Sakariassen-imit akuerineqarpoq. Kangerlussuarmi Nuka meeqqerivittut ingerlaannarnissaanut tunngavissaqarmat, ulluuneranilu paaqqinnittarfittut ingerlaannartussaammat naliliinitsinnut taanna ilanngutinngilarput.

Daginstitution:	Personalenorm./ Lovmæssig	Børnenorm./ Lovmæssig	B2010:/ Lovmæssig	Personalenorm/ omdannelse	Børnenorm./ omdannelse	Besparelse/ omdannelse
Vugg. Mikisoq/ Sisimiut	5,0	12	+191.000 kr.	4,0	15	-392.000 kr.
Naasunnguit/ Sarfannguit	5,0	15	+317.000 kr.	3,0	12	-332.000 kr.
Nuunu/Itilleq	5,0	15	+366.000 kr.	2,0	8	-623.000 kr.
Naja/Kangaamiut	8,5	14	+369.000 kr.	8,0	32	+316.000 kr.
Inequnaaqqat/ Atammik	5,0	9	+495.000 kr.	4,0	16	+1.000 kr.
I alt:	28,5	65	+1.338.000kr.	21,0	83	-1.030.000kr.

Aningaasaqarnikkut allaffissornikkullu kingunerisinnaasai

Ulluunerani paaqqinnittarfiit sisamat aamma Sisimiuni meeraaqqerivik Mikisoq ulluunerani paarsisarfinngortinneqarpata ukiumut 1.030.000 kr.-it missaat sipaatutaasassapput, meeqqallu amerlassusiligaanerat 18-inik ilaneqassalluni. Illuutit, pequtit ingerlatsinermilu aningaasartuutissat ulluunerani paaqqinnittarfinnut tamanut akimorlugu naapertuuttunngorsarneqarsimasut minillugit missingersuusiornermi Sisimiuni ulluunerani paaqqinnittarfinnut missingersuutit aallaaviginearsimapput.

Qeqqata Kommunia

Kommunalbestyrelsep novembarip 24-ani 2009-mi ileqquusumik ataatsimiinnera 06/2009

Allaffeqarfiup naliliinera

Inissat, meeqqat amerlassusiligaanerat, sulisut amerlassusiligaanerat kvadratermerimullu inissat pitsaanerpaamik atorluarumallugit allaffeqarfik isumaqarpoq, Atammimmi, Kangaamiuni, Itillimi Sarfannguanilu kiisalu Sisimiuni meeraaqqerivik Mikisoq 2010-mi jaanuaarip aallaqqaataanit ulluunerani paarsisarfinngortinneqassasut.

Ilinniartitaanermut Kulturimut Sunngiffimmullu ataatsimiitaliami suliap suliarinera

Ilinniartitaanermut Kulturimut Sunngiffimmullu ataatsimiitaliap novembarip 3-ani 2009-mi suliaq suliarivaa.

Atammimmili meeqqeriviup misissoqqissaarnissaa kissaatigineqarpoq.

Siunissami inatsisip piumasaqaatai aallaavigalugit Sisimiuni Maniitsumilu meeqqeriviliassat angisuujunissaat eqqumaffigineqassaaq.

Aningaasaqarnermut ataatsimiitaliami suliap suliarinera

Aningaasaqarnermut ataatsimiitaliap novembarip 10-ani 2009-mi ataatsimiinnermini suliaq suliarivaa.

Qullersaqarfiup Oqaaseqaatai

Qullersaqarfiup maluginiaqqussavaa, saqqummiussaq marluitsigut nunaqarfinnut sunniuteqassamat.

1. Nalunaarut nutaaq.
2. Ulluunerani paaqqinnittarfinnik ataatsimoortunik pilersitsineq.

1. Inatsisip nutaap nalunaarutigivaa, meeqqeriviit meeqqanut agguataagaalissasut, tassa meeqqat 20-it meeqqerivimmi inimi ataatsimiissinnaalerlugit meeraaqqallu 12-it meeraaqqivimmi inimi ataatsimi. Aamma inatsisikkut erseqqissarneqarluni pisortaasoq pædagogit ilinniagaqartuussasoq, ininilu sulisunik amerlassusiliinerup avatanniissalluni. Meeqqat immikkoortitat (init) minnerpaamik imatut inuttaqartinneqassallutik pædagogi ataaseq, pædagogit ilinniarsimasoq ataaseq, ikiortilu ataaseq. Tamatuma kingunerissavaa, meeqqerivik ataasiinnarmik initalik tallimanik sulisoqassasoq (pisorta q sulisullu sisamat), taamaalilluni inissat malillugit sulisusaqartitsinermut sanilliullugu suliffeqarfik imminut akilersinnaannginnerussalluni, meeqqerivik arlalinnik initalik. Inatsisikkut piumasarisat naammassinissaata kingunerissavaa, nunaqarfinni sulisussat (Kangerlussuarmi Nuka ilanngunnagu) 22,5-iniit 28,5-inut qaffariarnissaat, katillugit + atorfillit arfinillit. Inissat katillugit 81-iniit 65-inut ikileriassapput, tassa ikilissutit inissat 16-it. Tamatuma kinguneranik missingersuutit iluarsiissutit ilanngullugit qaffariassapput + 2,0 mio. koruuninik, tassa 5,7 mio. koruuniniit 7,7 mio. koruuninut.

Daginstitution:	Personalenorm B2009	Personalenorm B2010	Børnenorm B2009	Børnenorm B2010	B2009 i tkr.	B2010 i tkr.	Konsekvens i tkr.
Vugg. Mikisoq/Sisimiut	4,0	5,0	15,0	12,0	1.171	1.423	252
Naasunnguit/Sarfannguit	4,0	5,0	20,0	15,0	1.070	1.441	371
Nuunu/Itilleq	4,0	5,0	20,0	15,0	1.021	1.441	420
Naja/Kangaamiut	7,5	8,5	16,0	14,0	1.734	2.142	408
Inequnaaqqat/Atammik	3,0	5,0	10,0	9,0	747	1.291	544
I alt:	22,5	28,5	81,0	65,0	5.743	7.738	1.995

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

2. Nunaqarfinni suliffeqarfiit siamaasut kiisalu Sisimiuni Mikisoq ulluunerani paaqqinnittarfimmumt ataatsimoortumut allannгутinneqassappata, tamatuma kingunerissavaa -0,8 mio. koruuninik sipaaruteqarnissaq, kiisalu meeqqanut inissat +19-inik amerleriarnissaat missingersuusiassanut sanilliullugu, tassa meeqquariviit allannгortinneqassanngippata. Sulisussat amerlassusiat 28,5-iniit 21-inut ikileriassapput, tassa ikilissutit 7,5-it missingersuusiornissami, suliffeqarfiit allannгortinngikkaanni, kiisalu sulisut 1,5-inik ikilinerat 2009-mi missingersuutitut sanilliullugu.

Daginstitution:	Personalenorm Omdannelse	Børnenorm. Omdannelse	B2009 i tkr.	B2010: Lovmæssig	B2010 Omdannelse	Konsekvens i tkr. B2010 omdannelse ift B2009	Konsekvens i tkr. B2010 omdannelse ift B2010 lovmæssig
Vugg. Mikisoq/Sisimiut	4,0	16,0	1.171	1.423	1.365	194	-58
Naasunnguit/Sarfannгuit	3,0	12,0	1.070	1.441	1.062	-8	-379
Nuunu/Itilleq	2,0	8,0	1.022	1.441	760	-262	-681
Naja/Kangaamiut	8,0	32,0	1.734	2.142	2.480	746	338
Inequnaaqqat/Atammik	4,0	16,0	747	1.291	1.247	500	-44
I alt:	21,0	84,0	5.744	7.738	6.914	1.170	-824

Ataatsimut isigaluni paaqqinnittarfiit ataatsimoortillugit allangortiterinikkut, taava sulisut amerleriangaatsiarnissaat pinaveersaartinneqarsinnaavoq, peqatigitillugulu taamatut meeqqat ikileriaateqassallutik. Tamatuma saniatigut periutsit eqaannerulissapput, tassa nunaqarfinni ataasiakkaani sulisussat amerlassusissaat meeqqat paarsarisassat amerlassusiinut naleqqussarneqassammata. Suliap ingerlateqqinnissaani illut ataatsimoortumik paaqqinnittarfinngortinnissaat periarfissiuunneqassaaq.

Innersuusut

Kommunalbestyrelsimut akuereqqullugu innersuusutigineqassaaq.

Atammimmi, Kangaamiuni, Itillimi Sarfannгuanilu ulluunerani paaqqinnittarfiit kiisalu Sisimiuni meeraaqqerivik Mikisoq 2010-mi jaanuaarip aallaqqaataanit ulluunerani paarsisarfinngortinneqassasut.

Aalajangiineq

Innersuusutigineqartoq akuersissutigineqarpoq.

Ulluinnarni meeqqat amerlassusaat allaffeqarfimmiit ataatsimiititaliamillu malinnaaffigineqassasut kommunalbestyrelsip kissaatigaa.

Ilanngussaq

Ilanngussaqanngilaq

Imm. 10 Sisimiut Kommuneani kukkunerisuiusut nalunaarutaat nr. 70 aamma nr. 71

Journalnr. 06.04.01

Tunuliaqutaq

Kommunit kukkunerisuiusuisa immikkoortortaata juulip 31-ni 2009-mi allakkatigut 2008-mut naatsorsuutitut atatillugu nalunaarutit nr. 70 aamma 71 nassiuppaat, tassalu kommunep 2008-mi naatsorsuutaani Namminersornerullutik Oqartussat susassaqrarfiinut tunngasut kiisalu 2008-mut naatsorsuutitut inaarutaasumik nalunaarusiaq.

Maleruagassatigut tunngasvissaq

Aqutsinermi inatsisip § 48, imm. 5-a naapertorlugu kommunalbestyrelsip kukkunerisuiusut oqaaseqaataat akissuteqarfigisussavai, tamatumalu malitsigisaanik aalajangiisoqarniariarpat akissuteqaatini Nakkutilliisoqarfimmut nassiuttussaallugit.

Kukkunerisuiusut oqaaseqaataat

Kukkunerisuiusut nalunaarummut nr. 70-imut, tassa kommunep 2008-mut naatsorsuutaanut atatillugu Namminersornerullutik Oqartussat susassaqrarfiinut atatillugu oqaaseqaateqarnissartik peqquutis-saqartissimangilaat.

Kukkunerisuiusut nalunaarummut nr. 71-imut, tassa 2008-mut naatsorsuutitut atatillugu Inaarutaasumik nalunaarusiamut tulliuttutigit oqaaseqaateqarnissartik pisariaqartissimavaat, matumani naatsumik inerniliifigisassat:

Missingersuutitigut aningaasaliissutitigullu nakkutilliineq pillugu Kukkunerisuiusut maluginiarsimavaat, 2008-mi akuersissutitut sanilliullugu sippuisoqartarsimasoq. Annertunerusutigit sippuinerit pilersuinikkut sanaartornikkullu pisimallutik.

Akileraarutitigut isertitat pillugit Kukkunerisuiusut maluginiarsimavaat, 2008-mut naatsorsuutit suliarinerini akileraarutitigut isertitanut tunngatillugu suliariaaseq allanngortinneqarsimasoq. Taamaalilluni ukiup isertitaqarfiusup 2008-p naanerani II-mi aamma III-mi iluarsissutit 2008-mi naatsorsuutitut ikkunneqarsimanatik. Sisimiut Kommuneanut tamanna 2008-mi 5,8 mio. koruuninik isertitatigut amigaateqarnermik kinguneqarpoq.

Kontotigut aningaasaliissutitut tunngasutigit Kukkunerisuiusut maluginiarsimavaat, aningaasaatit piffissami immikkoortiternerini ukiullu naanerani naatsorsuutitut ikkusinerit ukiunut siuliinut sanilliullugu allaasoq. Tamatumalu kingunerisimallugu, 2008-mi aningaasaatit 3,4 mio. koruuninik annaarlugu nalunaarsorneqarsimanerat, ilaatigullu aamma 2009-mi Sisimiut Kommuneani oqimaatigiissitsisoqarsimalluni.

Ataatsimoorussamik akiliisitsiniartarnerup eqqunneqarnera pillugu Kukkunerisuiusut maluginiarsimavaat, kommunemi akiisut naatsorsuutitut ikkutat akiliisitsiniartarfiullu nalunaarsugaat imminnut naleqqiullugit nalunaarsorneqarsimaneri uppersaataatitassaqanngitsut.

Nalunaarummut nr. 71-imut oqaaseqaatitut akissuteqaatissat

- Missingersuutitigut aningaasaliissutitigullu nakkutilliineq oqaaseqaatitut imatut akissuteqaateqarnissaq siunnersuutigineqassaaq:

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Soorlu kukknersuisut oqaatigigaat, Aqutsinermi inatsisip § 42-a naapertorlugu, kommunalbestyrelsi aningaasaliissuteqartinnagu suliasatigut aningaasartuuteqarnissaq isertitaqarnissarlunniit pisinnaangitsoq.

Kommunalbestyrelsip kukknersuisut oqaaseqaataat ugguuna isumaqatigivaa, Qeqqatalu Kommuniani nutaami sukangasumik aningaastigut ingerlatsinissaq kommunalbestyrelsip pingaartippaa, tamatumani aningaasaliissutinik nuutsinissat immikkullu aningaasaliissuteqarnissamik qinnuteqarnissat piffissaagallartillugu pisarnissaat eqqarsaatigalugit.

- Akileraarutitigut isertitat pillugit oqaaseqaatinut imatut akissuteqaateqarnissaq siunnersuutigineqassaaq:

Soorlu kukknersuisut oqaatigigaat, aningaasat Qeqqata Kommuniani 2009-mi isertitatut naatsorsuutitut ikkunneqarsimapput.

Sisimiut Kommuneani ukiut ingerlanerini ukiup naaneranut III-mut tunngatillugu isertitat naatsorsuutitut ikkunneqartarneri allangorartinneqartarsimapput. Ilaatigut ukiumi isertitaqarfiusumi isertitatut ilanngunneqartarsimallutik, ilaatigullu aatsaat ukiumi tigusiffiusumi isertitatut ikkunneqartarsimallutik. Ukiup naaneranut III-mut tunngasut aatsaat marsimi iluarsineqarajummata, naatsorsuutillu kingusinnerpaamik aprilimi saqqummiunneqartussaallutik, ukiup naanerani III-mi iluarsiissutissat immikkut pisoqartinnagu angumersitikkuminaattarput.

2008-mut atatillugu ukiup siulianut sanilliullugu allannguutit marluupput. Ilaatigut ukiup naanera II februaarip ingerlanerani iluarsiissuteqarfiumngilaq, iluarsiissutissallu aatsaat Akileraararnermut Aqutsisoqarfiup ukiup naaneranut III-mut atatillugit suliarisimallugit. Ilaatigullu aamma Akileraararnermut Aqutsisoqarfiup ukiup naaneri II aamma III immikkoortillugit iluarsiiffigisimanagit, 2009-mulli atatillugit akileraarutitigut iluarsiinermi akiliutaagallartutut tunniussimallugit.

Pineqartoq kingulleq Akileraararnermut Aqutsisoqarfiup kommunillu akornanni nalinginnaasumik isumaqatigiinngissutaasimavoq, kisiannili Akileraararnermut Aqutsisoqarfiup/Namminersornerusut ullumikkumut ingerlariaatsip ingerlateqqinnissaa ornigisimanagu.

Kommunalbestyrelsip kukkneruisut oqaaseqaataat ugguuna isumaqatigivaa, ukiup naaneranut II-mut III-mullu iluarsiissutit ukiumi naatsorsuuteqarfiusumi 2008-mi naatsorsuutitut ikkunneqarsimangitsut. Pissutsit matuma siuliini eqqartorneqartut tunngavigalugit, kommunalbestyrelsip naatsorsuutit saqqummiunneqarnissaannut iluarsiissutit angumersitinneqarsinnaanissaata utaqqineqarnissaat akueriuminaatsissimavaa.

- Aningaasat kontoi pillugit oqaaseqaatinut imatut akissuteqaateqarnissaq siunnersuutigineqassaaq:

2008-mut naatsorsuutit saqqummiunnerinut atatillugu kommunit kattunnerinut atatillugu pissutsit allaasimapput, naatsorsuutinik saqqummiussinissami ajornartorsiutaasimasut. Tunngaviusumik kattunnerup kingunerisaanik Qeqqata Kommuniani aningaasaqarnikkut aqutsinermi atortorissarut nutaaq atuutilerpoq, atortutigullu periutsitigut naatsorsuutit ikaarsaariartinnerat periusaasartut mallilugit pisinnaasimanani.

Tamatuma saniatigut aamma akissarsialerinnikkut atortorissarummut qitiusumik atukkamut ikaarsaartoqarluni. Ataatsimut katillugit tamatuma kingunerisimallugu, aningaasaqarnikkut akissarsialerinnikkullu atortorissarutit attaviisa teknikkikkut ataqatigiisinnissaat, allaffeqarfiullu kommunimi aningaasaqarnikkut ingerlasinnaanissaq anguniarlugu piffissarujussuaq atortariaqarsimavaa.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Taama iliuseqarnermi, ilaatigut atortorissaarutit teknikkiisa ilaat nalinginnaasumik periuseqarluni atortariaqarnerat pinngitsoorneqarsinnaasimanani, tassa 'pisarneq' malillugu iliuseqarnissaq atorsinnaasimanngimmat.

Kommunalbestyrelsip kukkunersuiusut oqaaseqaataat ugguuna isumaqatigivaa, Sisimiut Kommuneani aningaasat kontoi pisarnertut ingerlanneqarsimanngitsut. Kommunalbestyrelsi isumaqarpoq, tamanna kommunit kattunnerinut atatillugu nutaamillu akissarsialerinikkut qitiusumik atortuutit ikaarsaariarnermut atatillugu ajornartorsiutaasimasut, taamalu siunissami ajornartorsiuteqartoqaq-qissanngitsoq.

- Ataatsimoorussamik akiliisitsiniartarnerup eqqunneqarnera pillugu oqaaseqaatinut imatut akissuteqarnissaq siunnersuutigineqassaaq:

Kommunit kattunnerinut atatillugu matuma siuliini ajornartorsiutit eqqartorneqartut nangillugit taamatullu akissarsialerinikkut kitiusumik atorturissaaruteqalernermit atatillugu, apriliimi 2008-mi akiliisitsiniartarnermut tunngasut aamma ataatsimoorinneqarput. Kommunini akiliisitsiniartarnerit ingerlalluurtut taarserlugit akiliisitsiniartarneq Namminersornerullutik/Namminersorlutik Oqartussanit pitsanngutaanngitsumik akisussaaffigineqalerpoq.

Kommunit innuttaasunit aningaasaqarnikkut attuumassuteqarfigineqarnerummata, qitiusumut inissiinnikkut kommunit annertuumik eqqugaapput. Akiliisitsiniartarnerup qitiusumik inissinnerata kommunillu kattunnerminnik ulapputeqarnerisa kingunerinik, akiliisitsiniartartut kommunillu ataa-siakkaarlutik suleriusaat teknikkikkut sulisoqarnikkulluunniit suli pitsaasumik iluasiiffigineqanngillat.

Aammattaq Sisimiut aamma Maniitsup Kommunii taakkutuaallutik, januaarip 1-ani 2009-mi aaq-qissuusseqinnerup eqqunneqarneratigut aningaasaqarnikkut atortorissaarummik Winformatik atuilersimanngitsut. Tamanna aatsaat 2009-p ingerlanerani iluarsineqarpoq. Taamani Informatikkip nu-taap atugaasup paasissutissat pitsaasumik ingerlassinnaasimanngilai, taamatullu Sisimiut Kommuniata Maniitsullu Kommuneata suleriutsimi periusissat nutaat allaaserineqarneri suli suliarisimanagit.

Kommunalbestyrelsip kukkuneriuisut oqaaseqaataat ugguuna isumaqatigivaa, kommunemi akiitsut naatsorsuutitut ikkutat akiliisitsiniartarfiullu nalunaarsugaat imminnut naleqqiullugit nalunaarsor-neqarsimaneri uppersaatitaqartariaqaralumat. Kommunalbestyrelsip naatsorsuutigivaa, karse-qarnermut naatsorsuuserinermullu malittarisassani nutaasani, Kukkunersuiusut suliarissagaat piu-maffigineqarmata, tamatumaa aaqinneqarnissaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliap suliarivaa.

Innersuussut

Aningaasaqarnermut ataatsimiititaliap kukkunersuiusunut akissutissatut siunnersuutit saqummiunneqartut kommunalbestyrelsimit akuerineqarnissaat innersuussutigissavaa

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Aalajangiineq

Innersuussutigineqartoq akuersissutigineqarpoq.

Ilanngussat

1. Kukkunersiusisut oqaaseqaataat nr. 70
2. Kukkunersiusisut oqaaseqaataat nr. 71

Imm. 11 Maniitsup Kommuneani kukkunersuiusut nalunaarutaat nr. 61 aamma nr. 62

Journalnr. 06.04.01

Tunuliaqutaq

Kommunit kukkunersuiusuisa immikkoortortaata juulip 31-ni 2009-mi allakkatigut 2008-mut naatsorsuutitut atatillugu nalunaarutit nr. 61 aamma 62 nassiuppaat, tassalu kommunep 2008-mi naatsorsuutaani Namminersornerullutik Oqartussat susassaqaarfiinut tunngasut kiisalu 2008-mut naatsorsuutitut inaarutaasumik nalunaarusiaq.

Maleruagassatigut tunngasvissaq

Aqutsinermi inatsisip § 48, imm. 5-a naapertorlugu kommunalbestyrelsip kukkunersuiusut oqaaseqaataat akissuteqaarfigisussavai, tamatumalu malitsigisaanik aalajangiisoqarniariapat akissuteqaatini Nakkutilliisoqarfimmut nassiuttussaallugit.

Kukkunersuiusut oqaaseqaataat

Kukkunersuiusut nalunaarummut nr. 61-mut, tassa kommunep 2008-mut naatsorsuutaanut atatillugu Namminersornerullutik Oqartussat susassaqaarfiinut atatillugu oqaaseqaateqarnissartik peqqutis-saqartissimangilaat.

Kukkunersuiusut nalunaarummut nr. 62-imut, tassa 2008-mut naatsorsuutitut atatillugu Inaarutaasumik nalunaarusiamut tulliuttutigit oqaaseqaateqarnissartik pisariaqartissimavaat, matumani naatsumik inerniliifigisassat:

Akilaraarutitigut isertitat pillugit Kukkunersuiusut maluginiarsimavaat, 2008-mut naatsorsuutit suliarinerini akilaraarutitigut isertitanut tunngatillugu suliariaaseq allanngortinneqarsimasoq. Taamaalilluni ukiup isertitaqarfiusup 2008-p naanerani II-mi aamma III-mi iluarsisutit 2008-mi naatsorsuutitut ikkunneqarsimanatik. Maniitsup Kommuneanut tamanna 2008-mi 2,3 mio. koruuninik isertitatigut amigaateqarnermik kinguneqarpoq.

2008-p naanerani aningaasaatit pillugit Kukkunersuiusut maluginiarsimavaat, ilaatigut 9,9 mio. koruuninik amigartooruteqarnermik taamatullu attartukkat 9 mio. koruuniusut akilerneqarnerinik peq-quteqartumik, kommunep aningaasaatai 2007-p naanerani 29,9 mio. koruuniniit 2008-p naaneranut 3,9 mio. koruuninut appariaateqarsimasut.

Ataatsimoorussamik akiliisitsiniartarnerup eqqunneqarnera pillugu Kukkunersuiusut maluginiarsimavaat, kommunemi akiitsut naatsorsuutitut ikkutat akiliisitsiniartarfiullu nalunaarsugaat imminnut naleqqiullugit nalunaarsorneqarsimaneri uppersaatitassaqanngitsut.

Nalunaarummut nr. 62-imut oqaaseqaatinut akissuteqaatissat

- Akilaraarutitigut isertitanut oqaaseqaatinut imatut akissuteqaateqarnissaq siunnersuutigineqas-saaq:

Soorlu kukkunersuiusut oqaatigigaat, aningaasat Qeqqata Kommuniani 2009-mi isertitatut naatsorsuutitut ikkunneqarsimapput.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Maniitsup Kommuneani ukiut ingerlanerini ukiup naaneranut III-mut tunngatillugu isertitat naatsorsuutitut ikkunneqartarneri allangorartinneqartarsimapput. Ilaatigut ukiumi isertitaqarfiusumi isertitatut ilanngunneqartarsimallutik, ilaatigullu aatsaat ukiumi tigussiffiusumi isertitatut ikkunneqartarsimallutik. Ukiup naaneranut III-mut tunngasut aatsaat marsimi iluarsineqarajummata, naatsorsuutillu kingusinnerpaamik aprilimi saqqummiunneqartussaallutik, ukiup naanerani III-mi iluarsissutissat immikkut pisoqartinnagu angumersitikkuminaattarput.

2008-mut atatillugu ukiup siulianut sanilliullugu allannguutit marluupput. Ilaatigut ukiup naanera II februaarip ingerlanerani iluarsissuteqarfiumngilaq, iluarsissutissallu aatsaat Akileraartarnermut Aqutsisoqarfiup ukiup naaneranut III-mut atatillugit suliarisimallugit. Ilaatigullu aamma Akileraartarnermut Aqutsisoqarfiup ukiup naaneri II aamma III immikkoortillugit iluarsiffigisimanagit, 2009 -mulli atatillugit akileraartutitigut iluarsinermi akiliutaagallartutut tunniussimallugit. Pineqartoq kingulleq Akileraartarnermut Aqutsisoqarfiup kommunillu akornanni nalinginnaasumik isumaqatigiinngissutaasimavoq, kisiannili Akileraartarnermut Aqutsisoqarfiup/Namminersornerusut ullumikkumut ingerlariaatsip ingerlateqqinnissaa ornigisimanagu.

Kommunalbestyrelsip kukkunersiuisut oqaaseqaataat ugguuna isumaqatigivaa, ukiup naaneranut II-mut III-mullu iluarsissutit ukiumi naatsorsuuteqarfiusumi 2008-mi naatsorsuutitut ikkunneqarsimangitsut. Pissutsit matuma siuliini eqqartorneqartut tunngavigalugit, kommunalbestyrelsip naatsorsuutit saqqummiunneqarnissaannut iluarsissutit angumersitinneqarsinnaanissaata utaqpineqarnissaat akueriuminaatsissimavaa.

- 2008-p naaneranut aningaasaatit pillugit oqaaseqaatinut imatut akissuteqarnissaq siunnersuutigineqassaaq:

Soorlu kukkunersiuisut oqaatigigaat, Nakkutilliisoqarfiup taperserlugu innersuusutigivaa, ukiumi naatsorsuuteqarfiusumi ingerlatsinikkut sanaartornikkullu aningaasartuutissat minnerpaamik 5 procentii kommunep ukiup naaneranut aningaasaatigissagai. Taannalu Maniitsup Kommuneani 8,9 mio. koruuninik naleqartoq, taamaattumillu Nakkutilliisoqarfiup innersuussutaa naammassineqarsi-manani.

Kommunilli kattunnerat isiginiarlugu isumatusaarnerusorinarluni, Maniitsup Sisimiullu Kommunii aningaasaqarnikkut ataatsimut isiginiarnissaat. Taamaattumik eqqortuusorinarsimangilaq, Maniitsup Kommuneata 9 mio. koruuninik attartorsimanerminut erniatigut annertuumik akilersuinissaa Sisimiut Kommuniata uninngassuteqarnermi isertittagaanut sanilliullugu. Taamaattumik attartukkat 9 mio. koruuniusut akilerneqarneri eqqarsarluarnermik tunngaveqarpoq, kommunit kattunnerisiguiinnaq piviusunngortinneqartoq.

Kommunalbestyrelsip kukkunersiuisut oqaaseqaataat ugguuna isumaqatigivaa, Nakkutilliisoqarfiup taperserlugu innersuussutaa ukiumi naatsorsuuteqarfiusumi ingerlatsinikkut sanaartornikkullu aningaasartuutissat 5 procentii kommunep ukiup naaneranut aningaasaatigissagai naammassineqartariaqaraluarat. Kommunilli kattuunnerannut tunngasut immikkut pisut kingunerisaannik, akiitsut akilerneqarnissaat eqqarsarluarnerulluni, tassa Maniitsup Kommuneata attartoqqinnissaanut illuatungiliullugu.

- Ataatsimoorussamik akiliisitsinartarnerup eqqunneqarnera pillugu oqaaseqaatinut imatut akissuteqarnissaq siunnersuutigineqassaaq:

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Kommunit kattunnerinut atatillugu matuma siuliini ajornartorsiutit eqqartorneqartut nangillugit taamatullu akissarsialerinikkut qitiusumik atorturissaaruteqalernerumut atatillugu, apriliimi 2008-mi akiliisitsiniartarnerumut tunngasut aamma ataatsimoortinneqarput. Kommunini akiliisitsiniartarnerit ingerlalluartut taarserlugit akiliisitsiniartarneq Namminersornerullutik/Namminersorlutik Oqartus-sanit pitsannguutaanngitsumik akisussaaffigineqalerpoq.

Kommunit innuttaasunit aningaasaqarnikkut attuumassuteqarfigineqarnerummata, qitiusumut inisiinikkut kommunit annertuumik eqqugaapput. Akiliisitsiniartarnerup qitiusumik inissinnerata kommunillu kattunnerminnik ulapputeqarnerisa kingunerinik, akiliisitsiniartartut kommunillu ataasiakkaarlutik suleriusaat teknikkikkut sulisoqarnikkulluunniit suli pitsaasumik iluasiiffigineqanngillat.

Aammattaq Sisimiut aamma Maniitsup Kommunii taakkutuaallutik, januaarip 1-ani 2009-mi aaq-qissuusseqqinnerup eqqunneqarneratigut aningaasaqarnikkut atorturissaarummik Winformatik atuilersimangitsut. Tamanna aatsaat 2009-p ingerlanerani iluarsineqarpoq. Taamani Informatikkip nutaap atugaasup paasissutissat pitsaasumik ingerlassinnaasimanngilai, taamatullu Sisimiut Kommuniata Maniitsullu Kommuneata suleriutsimi periusissat nutaat allaaserineqarneri suli suliarisimanagit.

Kommunalbestyrelsip kukkuneriusisut oqaaseqaataat ugguuna isumaqatigivaa, kommunemi akiitsut naatsorsuutitut ikkutat akiliisitsiniartarfiullu nalunaarsugaat imminnut naleqqiullugit nalunaarsorneqarsimaneri uppersaatitaqartariaqaraluarimat. Kommunalbestyrelsip naatsorsuutigivaa, karseqarnerumut naatsorsuuserinermullu malittarisassani nutaassani, Kukkuneriusisut suliarissagaat piuffigineqarmata, tamatuma aaqqinneqarnissaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap novembarip 10-ani 2009-mi ataatsimiinnermini suliap suliarivaa.

Innersuussut

Aningaasaqarnermut ataatsimiititaliap kukkuneriusisunut akissutissatut siunnersuutit saqqummiunneqartut kommunalbestyrelsimit akuerineqarnissaat innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussat

1. Kukkuneriusisut oqaaseqaataat nr. 61
2. Kukkuneriusisut oqaaseqaataat nr. 62

Imm. 12 Sisimiut Kangerlussuullu akornanni aqqusineq – aqquserngup ingerlavissaattut siunnersuut

Journalnr. 23.01

Tunuliaqutaq

Sisimiut Kangerlussuullu akornanni aqqusinissap ingerlavissaattut siunnersuut pillugu nalunaarussiaq Center for Arktisk Teknologi-p (ARTEK-ip) 2009-mi marsip qaammataani nassiuppaa. Tamatuma kingorna nalunaarussiaq nutserneqarpoq.

Maleruagassatigut tunngavissat

Angallannerup pingaarnertut aqqissuussaanera Namminersorlutik Oqartussat suli akisussaaffigaa, aqqissuussaanerli kommunimit isumagineqalernissaa siunertaavoq.

Kommunimi angallannerup aqqissuussaanissaa pillugu piginneqatigiinnissamik ataatsimullu sa-naartornissamik siunnersuut Sisimiut Kommuneata, kingornalu Qeqqata Kommuniata siornatigut nassiunnikuuaa.

Pissutsit atuuttut

ARTEK-imi ilinniartut ilinniartitsisullu ukiut arlallit ingerlanerini assigiinngitsunik nalunaarussia-qarnikuupput, soorluttaaq Sisimiut Kangerlussuullu akornanni aqqusinniornissamat aqquserngup ingerlavigisinnaasai assigiinngitsut misissornikuugaat.

Siullermik aqquserngup ingerlavissaattut eqqarsaatigineqartutut siullemit silaannarmit assilisat aal-laavigalugit aqquserngup ingerlavissaattut ARTEK siunnersuusiorpoq. Assigiinngitsutigut misissue-reernerup kingunerisaanik, pingaartumik nunap iluani pissutsit misissoreernerisigut aqquserngup ingerlavissaattut siunnersuut iluarsivigineqalaartariaqarsimavoq. Ilisimasat tunuliaqutaralugit pit-saernerpaamik aqquserngup ingerlavissaattut siunnersuut maanna pigineqalerpoq.

Aningaasaqarnikkut allaffissornikkullu kingunerisinnaasai

Aqquserngup ingerlavissaattut siunnersuutip, tassungalu atatillugu nalunaarussiaq suliarineqarnerat 200.000 kr.-inik naleqarpoq.

Tamatuma saniatigut soorunalimi tunuliaqutatut nalunaarutit arlallit suliarineqarput, tassungalu ata-tillugu sumiiffinnut assigiinngitsunut atortussanik assartuinnermut kommune tapiissuteqartarsimalluni.

Allaffeqarfiup naliliinera

Allaffeqarfiup nalilerpaa, aqquserngup ingerlavissaattut siunnersuut tunuliaqutaralugu Sisimiut Ka-ngerlussuullu akornanni aqqusinniornissamat missingersuummik eqqornerusumik suliaqartoqarsin-naalissasoq. 2004-mi Rambøll 250 mio. kr.-inik aamma Mittarfeqarfiit 490 mio. kr.-inik aqqusinni-ornissamat missingersuuteqarput.

Allaffeqarfiup innersuussutaa

Allaffeqarfiup innersuussutigaa, aqquserngup ingerlavissaattut ARTEK-ip siunnersuutaa Aatsitassanut Attaveqatigiinnermullu ataatsimiititaliap Kommunalbestyrelsillu akuersissutigissagaat.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Aatsitassanut Attaveqaqatigiinnermullu ataatsimiititaliami suliap suliarinera

Aatsitassanut Attaveqaqatigiinnermullu ataatsimiititaliap septembarip 4-ni 2009-mi ataatsimiinnermini innersuussut akuersissutigaa, aqqusinissallu ingerlavissaatut siunnersuummik suliaqarnerup ingerlatiinnarneqarnissaanut kissaateqarluni.

Innersuussut

Aatsitassanut Attaveqaqatigiinnermullu ataatsimiititaliap innersuussutigaa, aqquserngup ingerlavissaatut ARTEK-ip siunnersuutaa Kommunalbestyrelsip akuersissutigissagaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Sisimiut Kangerlussuullu akornanni aqqusineq – aqquserngup ingerlavissaattut ARTEK-ip 2009-mi marsip qaammataani siunnersuutaa

Imm. 13 Qeqqani Inuussutissarsiutinut Siunnersuisoqatigiinnik kiffartuussinissamik isumaqatigiissut

Journalnr. 66.15

Tunuliaqutaq

Maniitsumi Sisimiunilu Inuussutissarsiutinut Siunnersuisoqatigiit 2009-p aasaani kattunneqarput taaneqarlutik Qeqqani Inuussutissarsiornermut Siunnersuisoqatigiit. Taamanili kommuni Siunnersioqatigiinnik kiffartuussinissamik nutaamik isumaqatigiinniuteqarpoq. Isumaqatigiissutissatut siunnersuut tamatumalu kingunerisaanik aningaasaqarnermut tunngasut Aningaasaqarnermut ataatsimiititaliamut saqummiunneqarput.

Maleruagassatigut tunngavissat

Qeqqata Kommuniani 2009-mut missingersuutit.

Maniitsumi taamatullu Sisimiuni Inuussutissarsiutinut Siunnersuisoqatigiinnik isumaqatigiissutit 2009-mi atuuttut.

2010-mut Qeqqani Inuussutissarsiornermut Siunnersuisoqatigiinnik kiffartuussinissamik isumaqatigiissut nutaaq.

Pissutsit atuuttut

Maniitsumi Sisimiunilu inuussutissarsiutinut siunnersuisoqatigiit Qeqqani Inuussutissarsiutinut kattunnerisa kingorna Qeqqata Kommiata Inuutissarsiornermullu siunnersuisoqatigiit akunnerini nutaamik kiffartuussinissamik isumaqatigiissusiortoqarnikuuvoq.

Isumaqatigiissummi Inuussutissarsiornermut siunnersuisoqatigiit Kommunillu illuatungeriit akisussaaqatigiiffii aningaasaqarnermullu tunngasut allaaserineqarlutik. Isumaqatigiissummi Inuussutissarsiornermut siunnersuisoqatigiit kommunimi ineriartortitsinissamik akisussaaffeqarnerat kiisalu kommunimi Arctic Circle Region-imilu inuutissarsiutilinnut takornariaqarnikkullu siunnersuisuu-nissaa isumaqatigiissummi qitiutinneqarlutik.

Isumaqatigiissummittaaq nutaamik nalunaarusioriaaseqarnissamik eqikkaasarnissamillu piumasaqaatit allaqqallutik, taamaalilluni angusat ingerlaavartumik uuttoarneqarsinnaaqqullugit. Tapiissuteqartarnissaq peqatigitillugu ingerlaavartumik nalunaarusiorntarnissamut atatinneqalerpoq.

Isumaqatigiissut immi Inuussutissarsiornermut siunnersuisoqatigiit susasaqarfiinik annertuusaataavoq, taamaalilluni takornariaqarnikkut isumagisassat, siusinnerusukkut kommunimit isumagineqarsimagaluit inuussutissarsiornermut siunnersuisoqatigiit susasaqarfinngorlutik. Peqatigitillugu pisortamik atorfinitsisoqarpoq, taassumalu kommunimi tamarmi ataqatigiissaarineq nakkutigisassarilerlugu. Isumaqatigiissummi ataasiakkaanut tunngasut, matumani sulisussat amerlassusissat naatsorsuutigisat ilanngullugit, isumaqatigiissummi atuarneqarsinnaallutik, matumunnga ilanngussaq 1-tut ilanngunneqartumi.

Inuussutissarsiornermut siunnersuisoqatigiit susasaqarfiisa annertusinerisa kingunerinik kommunip tapiissutissai peqatigitillugu qaffanneqarput, taamaalilluni piumasaqaatit susasaqarfiillu allaanerusut isumagisinnaaqqullugit. Aningaasaqarnikkut allannguutit Allaffissornikkut aningaasaqarnikkullu kingunerisinnaasaani takuneqarsinnaapput.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Aningaasaqarnikkut allaffissornikkullu kingunerisinnaasai

Kiffartuussinissamik isumaqatigiissut nutaaq allaffeqarfimmi ima sunniuteqassaaq, takornariaqarnikkut ineriartortitsinissami suliassat kommunimiit Inuussutissarsiornermut siunnersuisoqatigiinnut nuunneqassasut.

Isumaqatigiissutip annertusineratigut tulliuuttutut aningaasaqarnikkut qaffaasoqassaaq, tassa kommunip tapiissutai 2009-mi 1.120.000,- koruuniniit 1.489.000,- koruuninut qaffanneqarlutik.

Taama 305.000,- koruuninik qaffaanissaq tulliuuttunit aningaasaliiffigineqassalluni konto 37-01-12-12-09 Siunnersortinik ikiorneqarnermiit 150.000,- koruunit kiisalu konto 37-01-20-35-03 Pilersitsinermi tapiissutiniit 155.000,- koruunit.

Ilanngussaq 2-mi takornariaqarnermut inuussutissarsiutinullu kontonik takussutissaavoq, 2009-mut oqimaaqatigiissitsinerit iluarsisaasut, tamatumani kontot pineqartut marluk ilanngullugit, tassa nuussivigineqartussatut innersuussutaasut.

Allaffeqarfiup naliliinera

Allaffeqarfik naliliivoq, kiffartuussinissamik isumaqatigiissut nutaaq isumaqarnarpoq, kommunimi tamarmi eqeersimaarnerusumik ataqatigiinnerusumillu inuussutissarsiornerit takornariaqarnerillu ineriartortinneqarnissaannik tikkuussisusooq. Nalunaarusiortarnissami ingerlaavartumillu nalilersuisarnissamik piumasaqaatit sukateriffigineqarmata naliliisoqarpoq, Qeqqani Inuussutissarsiornermut siunnersuisoqatigiinnut aningaasartuutissat annertuneruleralluit Qeqqata Kommuniata piumasarisaatigut illuatungilerneqartut.

Allaffeqarfiup innersuussutaa

Aningaasaqarnermut ataatsimiititaliamut innersuussutigineqassaaq

Qeqqani siunnersuisoqatigiit kiffartuussinissaannik isumaqatigiissut akuereqqullugu

Konto 37-01-10-35-01 Sisimiuni Inuussutissarsiutinut Siunnersuisoqatigiit taaguut Qeqqani Inuussutissarsiornermut Siunnersuisoqatigiinnut tapiissutinut allangortinneqassasoq

150.000,- koruunit takornariaqarnermut konto 37-01-12-12-09 Siunnersortinik ikiorneqarnermiit konto 37-01-10-35-01-mut nuunneqassasut, siunissami Qeqqani Inuussutissarsiornermut Siunnersuisoqatigiinnut tapissutinik taagorneqalerlutik

155.000,- koruunit 37-01-20-35-03 Takornarissanut tapiutiniit kontomut 37-01-10-35-01 nuunneqassasut, siunissami Qeqqani Inuussutissarsiornermut Siunnersuisoqatigiinnut tapissutinik taagorneqalerlutik

konto 37-01-20-35-01 Maniitsumi Inuussutissarsiutinut siunnersuisoqatigiinnut aningaasaliissutit konto 37-01-10-35-01 Qeqqani Inuussutissarsiornermut Siunnersuisoqatigiinnut tapissutinik taallugit nuunneqassasut kontolu 37-01-20-35-01 atorunnaarsinneqassasoq aalajangiivigineqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap oktobarip 19-ani 2009-mi ataatsimiinnermini allaffeqarfiup innersuussutai akuersissutigivai aammalu allaffissornikkut atortut kommunip isumagisartagai, isumaqatigiissummi allaqasut peerneqassasut.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa, allannguutissatut siunnersuutit ilanngullugit Qeqqani siunnersuisoqatigiit kiffartuussinissaannik isumaqatigiissut akuereqqullugu.

Aalajangiineq

Innersuussutigineqartoq akuersissutigineqarpoq.

Ilanngussat

1. Kiffartuussinissamik isumaqatigiissut - Inuussutissarsiutitigut takornariaqarnermullu tunngasutigit nunap immikkoortortaani ineriartortitsinissamik kiffartuussinissamillu Qeqqata Kommuniata aamma Qeqqani Inuussutissarsiornermut Siunnersuisoqatigiit (QIS) akornanni isumaqatigiissut
2. Takornariaqarnermut inuussutissarsiutinullu kontonik takussutissaq, septembari 2009.

Imm. 14 Sinniisut akissarsiaat pillugit nassuiaat

Journalnr. 03.08.06

Tunuliaqutaq

Sinniisut akissarsiaat pillugit nassuiaateqarnissaq kommunalbestyrelsip kissaatigivaa.

Maleruagassatigut tunngasvissaq

Borgmesterit borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersornerullutik Oqartussat naluaarutaat nr. 29, 18. december 2008-meersoq.

§ 9. Kommunalbestyrelsip aalajangersinnaavaa kommunit aqunneqarnerat pillugu inatsimmi § 65, imm. 1 naapertorlugu ataatsimiinermut il.il. ilaasunut ullunut angalaffiusunut atatillugu sulinermit aningaasarsiasaraluanik annaasanut taartisiaqartitsiumalluni.

Imm. 2. Sulinermit aningaasarsiasaraluanik annaasat matussuserneqartarnissaat pillugu kommunalbestyrelsip aalajangiiffigisaanut amerlanerpaamik ilaasinnaapput:

- 1) Sulinermit inuussutissarsiu-teqartut sulillutik akissarsiasaraluanimik annaasat uppersarneqartut imaluunniit
- 2) ullormut akissarsiat § 2, imm. 1-mi taaneqartut 730-inngorlugit aggornerannut ataatsimut naapertuuttut inunnt, ataatsimiinnerup nalaani annermik namminersorluni inuussutissarsiu-teqarnermit aningaasarsiorfeqartunut, soorlu piniartunut, aalisartunut, savaatilinnut il.il., annertunerusumik isertitassanik annaasaqarsimaneq uppersarneqarsinnaanngippat.

§ 11. Piffissamik qaammatinik marlunnit sivikinnerusumik utaqqiisaagallartumik sinniisutut sulinermit ullormusiaqartitsineqartassaaq ulloq unnuarlu akiliutigineqartat atorlugit ullut ataatsimiiffiit tunngavigalugit kiisalu sulinermit aningaasarsiasaraluanik annaasat aamma akiliutigineqartassapput.

Qeqqata Kommuniani kummunalbestyrelsimut ilaasortat akissarsiasaraluanimik annaasaqarnerini taartisiaqartitsinissami malittarisassat maajip 29-ni 2009-meersut.

Pissutsit atuuttut

Sinniisut ataatsimiinnermi ullut peqataaffigisimasaat naapertorlugit akissarsitineqartassapput. Ullumikkumut ataatsimiinnerisutitut akileraarut suli peernagu ullormut 400,00 koruuninik ullormusiaqartitsisoqartarpoq.

Akissarsiasat pillugit nalunaarut naapertorlugu ullormusiat ullup unnuallu ingerlaneranut 431,12 koruuniupput, tassa ullormut ataatsimiinnerit tamaasa.

Taakku saniatigut sinniisoq akissarsiasaraluanimik annaasaqarnerminut uppersaatissaqartillugu annaasaasa matussuserneqarnissaat periarfissaqarpoq, tassa kommunalbestyrelsip imaluunniit nunaqarfimmi aqutsisut ataatsimiinnerani, missingersuusiornermut atatillugu isumasioqatigiinnermi imaluunniit kommunalbestyrelsi nunaqarfimmiluunniit aqutsisut pikkorissarnerini peqataanermini qanoq annaasaqarsimanerminut uppersaatissaqartillugu.

Akissarsiasaraluanimik annaasaqarsimanerminut uppersaatissaqartarnissami Qeqqata Kommuniata akissarsiasaraluanimik annaasaqarsimanerminut uppersaatissaqartarnissamik piumasaqaatai aallaavittut atuutissapput, piumasaqaatit makkuusut:

Akissarsialinnut

Akissarsiaqarlutik sulisut akissarsiamik allagartaannik takutitassaqtassapput, tassanilu takuneqarsinnaassalluni, ataatsimiinnerni peqataanermini angalanerni pineqartoq qanoq annertutigisumik akissarsiamigut ilaanngaanneqarsimanersoq.

Namminersorlutik inuutissarsiutillit

Ullormut akissarsiat akissarsiat § 2, imm. 1-mi taaneqartut 730-inngorlugit aggornerinit annertunerusumik pissarsinissaq kissaatigineqarpat, taava annerusumik annaasaqarsimaneq uppersaataissaqartinneqassaaq.

Uppersaataatit atorneqarsinnaapput, soolru:

- Tunisisimanermi allagartaq (soorlu aalisartut piniartullu)
- Ullormi pineqartumi isertitarisakkat uppersaataat (soorlu taxartartut)
- Sulinermi tiimimusiat (soorlu entreprenørimi/siunnersortimi, kigutulerisutut namminersortut il.il.)

Akissarsiassaraluanik annaasaqarnermi taartisiassat tunniunneri

Akissarsiassaraluanik annaasaqarsimanermi taartisiassat tunniunnerini, ataatsimiinnerup/pikkorisarnerup ingerlasimaneranut takussutissaq ilanngunneqartassaaq taamatullu angalanermi pilersaarut. Akissarsianik annaasaqarsimanermi taartisiarnermi allaffeqarfiup immersugassaq sanaava atorneqartassaaq.

Immersugassaq uppersaataissanik ilallugu kommunalbestyrelsimut ilaasortap angerlamut apuunnermini akissarsiassaraluanillu annaasaqarsimanermi taartisiarnissamut uppersaataissallu, soorlu sulisitsisumit pissarsinerisa kingorna piaartumik akissarsialeriffimmut tunniunneqartassaaq.

Sinniisut eqqarsaatigalugit imaappoq, akissarsiaqartitsinermi nalunaarut naapertorlugu ataatsimiinnerit peqataaffigisat tamaasa kiisalu isumasioqatiogiinnerit pikkorissarnerilluunniit peqataaffigisimasat akissarsiassaraluanik annaasaqarsimaneq taartisiaqarfigitinneqassamat, tassa sinniisooq aalajangersimasunik akissarsiaqartitaangimmat.

Innersuussut

Nalunaarusiaq tusaatissatut tiguneqassasoq, kommunalbestyrelsimut innersuussutigineqassaaq .

Aalajangiineq

Tusaatissatut tiguneqarpoq.

Namminersorlutik inuutissarsiutillit annaasaqaataat pillugit nuna tamakkerlugu assigiimmik qitiusumiik malittarisassiortoqarnisaa aammalu assigiissarineq 1/1 2009-miit atuutilissasoq piunasaqaatigineqassaaq.

Ilanngussaq

Ilanngussassaqaanngilaq

Qeqqata Kommunia
Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 15 Kommunalbestyrelsip Aningaasaqarnermullu ataatsimiititaliap 2010-mi ataatsimiit-tarnissaasa ullulerner

Journalnr. 01.01.01

2010-mut ataatsimiittarfissatut siunnersuutit.

Aningaasaqarnermut ataatsimiititaliap – oqarasuaatikkut	Kommunalbestyrelsi
9. februar	23. februar Oqarasuaatikkut/videokonferencikkut
9. marts	
13. april	27. – 29. april – 2009-mi naatsorsuutit akuersissutigineri. Kangerlussuarmi
11. maj	17. juni Oqarasuaatikkut/videokonferencikkut
8. juni	
10. august	24. – 27. august Maniitsumi
14. september	
12. oktober	26. oktober – 2010-mut missingersuutissat siullermeerner. Oqarasuaatikkut/videokonferencikkut
9. november	23. november – 2010-mut missingersuutissat aappassaaneerner. Sisimiuni
14. december	
	Pisussat allat
	28. april – Isumasioqatigiinneq. Kangerlussuarmi
	25. august – 2010-mut missingersuutit pillugit isumasioqatigiinneq. Maniitsumi.

Innersuussut

Kommunalbestyrelsimut innersuussutigineqassaaq, ataatsimiittarnissat susassaqartarnissallu qulaaniittut naapertorlugit inissineqassat.

Taamatutaaq kommunalbesyrelsimut innersuussutigineqassaaq, sap.ak. 34-mi Maniitsumiinnissamut atatillugu, nunaqarfiit Atammik aamma Napasoq orinneqassanersut eqqarsaatigeqqullugu. Kangaamiut, Itilleq aamma Sarfannguit 2011-mi tikeraarneqarnissaat innersuussutaavoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. 2010-mut ullorsuutit

Imm. 16 Imigassanik nioqquteqarsinnaanermut qinnuteqaat – Butik Aavu, B-695, Maniitsoq

Journalnr. 70.06.00

Tunuliaqutaq

Oktobarip 23-ani 2009-imi Kirsten Heilmann imigassanik aalakoornartortalinnik nioqquteqarsinnaanermut akuersissummik Butik Aavumut, B-695, A.W. Nielsenip Aqq. 7, Maniitsumiitsoqumiittumut qinnuteqarpoq.

Maleruagassatigut tunngavigisat

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq.

Inatsimmi kapitali 2 naapertorlugu imigassanik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit akuersissummik pigisaqarnissaq piunasaqaataavoq, soorluttaaq akuersissut kommunalbestyrelsimit tunniunneqartussaasoq inimullu ininulluunniit aalajangersimasunut tunngatinneqartussaalluni.

Pissutsit atuuttut

Maniitsumi Teknikkimut Avatangiisinullu immikkoortortamit B-695-imut februaarip 16-ani 2009-mi nunaminertamik atuinissamut akuersissut A-nr. 1641 tunniunneqarpoq, illullu atulernissaanut akuersissut oktobarip 20-ani 2009-mi tunniunneqarluni.

Innersuussut

Kommunalbestyrelsimut innersuussutigineqassaaq, Kirsten Heilmann Butik Aavu, B-695-imut Maniitsumiittumut ukiunut pingasunut atuuttussamik akuersissummik tunineqassasoq.

Aalajangiineq

Innersuussutigineqartoq akuersissutigineqarpoq.

Ilangusaq

Ilangussaqanngilaq

Imm. 17 Oqaluuserisassatut siunnersuut – Qimatulivimmuut tunisisarneq

Journalnr. 22.07

Tunuliaqutaq

Kommunalbestyrelsimi ilaasortap Anda Berthelsen-ip Qeqqani Inuit Ataqtigii tunisinermi aningaasat piaarnerusumik akilerneqartarnissaat/tunniunneqartarnissaat akiligassallu unitsikkallartarneqarnissaat kommunalbestyrelsimi oqaluuserisassatut novembarip 3-ani 2009-mi e-mail-ikkut nas-siuppaa, tassa piniakkat akullanerini isertitallu timmiarniarnermeernerutillugit.

Pissutsit atuuttut

Teknikkimut Avatangiisinullu immikkoortortap nalunaarutigissavaa, allaaserineqarnera pissutsit atuuttut eqqarsaatigalugit iluoomat, tamannali maleruagassat naapertorlugit ingerlanneqarmat, tak. ilanngussaq 2.

Aningaasat akilerneqartarneri/tunniunneqartarneri eqqarsaatigalugit, ullualuit allaffissornikkut ator-neqarnissaat pisariaqarpoq. Teknikkimut Avatangiisinullu immikkoortortap ullut taakku allanngor-tissinnaanngilai, kisiannili suleriaatsit misissorsinnaallugit.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Teknikkimut Avatangiisinullu ataatsimiititaliami oqallisigisassatut ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqani Inuit Ataqtigii novembarip 3-ani 2009-mi e-mailerutaat.
2. Kalaalimeerniarfimmuut pilersuisut suleriaasissaat, december 2006

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 18 Oqaluuserisassatut siunnersuut – Qeqqata Kommuniani uumasut nakorsaannik atorfinitsitinissaq

Journalnr. 80.05/81.05.02

Tunuliaqutaq

Qeqqani Inuit Ataqtigiit novembarip 2-ani 2009-mi e-mailikkut Qeqqata Kommuniani uumasut nakorsaannik atorfinitsitinissap kommunalbestyrelsimi oqallisiginissaanik siunnersuut nassiuppaat.

Qeqqani Inuit Ataqtigiit isumaqarput, tamatuma pisariaqartinneqarnera sanioqqunneqarsinnaanngitsoq.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Teknikkimut Avatangiisinullu ataatsimiititaliami oqallisigisassatut ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Qeqqani Inuit Ataqtigiit novembarip 2-ani 2009-mi e-mailerutaat.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 19 Oqaluuserisassatut siunnersuut – Sanaartornermik Ilinniarfimmiit Kussangasumut majuartarfiit qullilernissaat

Journalnr. 23.02.13

Tunuliaqutaq

Qeqqani Inuit Ataqtigiit novembarip 2-ani 2009-mi e-mailikkut Sanaartornermut Ilinniarfimmiit Kussangasumut majuartarfiit qullilernissaat kommunalbestyrelsimut oqallisigisassatut nassiuppaat.

Qeqqani Inuit Ataqtigiit tamanna isumannaallisaanissaq eqqarsaatigalugu pisariaqartutut isumaqarfigivaat.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Teknikkimut Avatangiisinullu ataatsimiititaliami oqallisigisassatut ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Qeqqani Inuit Ataqtigiit novembarip 2-ani 2009-mi e-mailerutaat, tak. imm. 18.

Imm. 20 Oqaluuserisassatut siunnersuut – Angajoqqaat imigassamik ikiaroorntumillu atonerluisutut aningaasanoormillu ajornartorsiutilittut katsorsartissimasut meerartaasa ikiorneqartarnissaat eqqarsaatigalugu iliuusissatut pilersaarusiortussanik pilersitsinissaq

Journalnr. 42.00

Tunuliaqutaq

Qeqqani Inuit Ataqtigiit novembarip 2-ani 2009-mi e-mailkkut Angajoqqaat imigassamik ikiaroorntumillu atonerluisutut aningaasanoormilluunniit ajornartorsiutilittut katsorsartissimasut meerartaasa ikiorneqartarnissaat eqqarsaatigalugu, iliuusissatut pilersaarusiortussanik pilersitsinissaq kommunalbestyrelsimi oqaluuserisassatut nassiuppaat.

Qeqqani Inuit Ataqtigiit isumaqarput, meeqqat mikigallarnerini piaartumik iliuuseqartarnissaq aq-qutissiuuttariaqartoq.

Pissutsit atuuttut

Maniitsumi Ilaqtariinnermi Immikkoortortami suleriaaseq katsorsartittussanut katsorsartinnerup nalaa katsorsartinnerullu kingorna imatut nalunaarusiulaassavagut:

Sulianiaaseq:

Sullitat saaffiginninnikkut qinnuteqaatigisinnaasarpaat atonerluinertik pillugu katsorsartinnissamat ikiorserneqarsinnaanerlutik imaluunniit ilaqtariit meerartallit immikkoortortaqaarfimmi sullitaareersut malinnaavigineqarnerminni neqeroorfigineqarsinnaasarpud atonerluinertik qaangerniarunikku periarfissaasoq katsorsartinnissaq, taamatullu siunniunneqarsimappat pilersaarusiorneq aallartittarpoq assersuutigalugu meerartaat ilaqtariinnut inissinneqarallarlutik imaluunniit meeqqat angerlarsimaaffiup avataanut innissinneqarnikuusut angajoqqaavi angerlartitsiniarneq siunertaralugu neqeroorfigineqartarlutik katsorsartinnissaannik, katsorsartereerpatalu angerlartikkiartuaarnissaat sulissutigineqalartarluni angajoqqaat peqatigalugit, kisiannili toqqaannartumik meerartaasut angajoqqaat katsorsartinnerannut atasumik sullinneqarneq ajorput.

Atonerluinermik katsorsartissimasut meerartaasa immikkut sullinnissaanut suleriutsimik Ilaqtariinnermut Immikkoortortaqaarfimmi Maniitsumiittumi amigaateqartoqarpoq minnerunngitsumillu illoqarfitsinni katsorsaasinnaasumik peqannginnerput pequtaqaataalluni, meeqqanik sammineqarnikkut sullissinissaq piffissaq sivisunerusoq atorlugu sullissisariaqartarsimammat.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Ilaqtariinnermut ataatsimiitaliami oqallisigisassatut ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Qeqqani Inuit Ataqtigiit novembarip 2-ani 2009-mi e-mailerutaat, tak. imm. 18.

Imm. 21 Apeqquteqaat – Sisimiut Aviisiat SIVDLEQ, atuartartut ilanngunniagaat kalaallisut qallunaatullu allagaqaatit taamaallaat ilanngussinnaavai

Journalnr. 10.05.04

Tunuliaqutaq

Qeqqani Inuit Ataqtigiit novembarip 2-ani 2009-mi e-mailikkut Sisimiut aviisiata SIVDLEQ-p atuartartut ilanngussiniarunik kalaallisut qallunaatullu allagaqaateqartarnissaannik piumasaaqataanut kommunalbestyrelsi qanoq iliuuseqarniarnersoq apeqquteqaatit saqqumiuppaat.

Qeqqani Inuit Ataqtigiit tamanna akuersarneqarsinnaanngitsoq, innuttaasullu tamanna tunngavigiinnarlugu mattunneqarsinnaangitsut isumaqarput, pingaartumik namminersornerup eqqunneqarnerata kingorna.

Innersuussut

Kommunalbestyrelsimut innersuussutigineqassaaq, suliaq oqallisigineqareerneratigut Ilinniartitaanermut, Kulturimut Sunngiffimmilu ataatsimiititaliaami oqallisigisassatut ingerlateqqinneqassasoq.

Aalajangiineq

Innersuussutigineqartoq akuersissutigineqarpoq.

Ilanngullugu aalajangerneqarpoq tusagassiuuteqarnikkut politikkissamik Ilinniartitaanermut, Kulturimut Sunngiffimmilu ataatsimiititaliaq isummersoqquneqassasoq.

Ilanngussaq

1. Qeqqani Inuit Ataqtigiit novembarip 2-ani 2009-mi e-mailerutaat, tak. imm. 18

Imm. 22 Pilersuisup Kangaamiuni illuutaa B-88 pillugu apeqquteqaat

Journalnr. 58.01

Tunuliaqutaq

Kangaamiuni katersugaasivittaarnissamik kissaateqarnermut tunngatillugu suliap sumut killinnera pillugu kommunalbestyrelsip 2009-mi novembarip 24-ani ataatsimiinnerani kommunalbestyrelsimut ilaasortap Efraim Olsen-ip apeqquteqaatigaa. Efraim Olsen-ip apeqquteqaateqarnerminut peq-qutaatippaa, Pilersuisup 2008-mi B-88-imik 150.000 koruunilerlugu tuniniaasimanera, nunaqarfimmilu aqutsisunit soqu-tigineqarluni qullersaqarfimmut ingerlateqqinneqarsimammat.

Namminersorlutik Oqartussat illuutai 0 koruunilerlugit tuniniarneqannginnissaanik Namminersorlutik Oqartussat oqariartuuteqarsimanerat tunngavigalugu Pilersuisoq taama neqerooruteqarpoq. Taamaattumik pilersaarut sumut killinnersoq aamma Kangaamiuni nunaqarfimmi aqutsisuniit qinnuteqaat kissaatigineqartorlugu kommunalbestyrelsimut taparserneqarsimanersoq Efraim Olsen-ip paaserusuppaa.

Pissutsit atuuttut

Pilersuisup Kangaamiuni illuutitoqaasa katersugaasivinngortinneqarnissaat siunertaralugu pisiar-neqarnissaanik, 2008-mullu 153.000,00 kr.-inik ingerlatsinermi aningaasaliissutissanik qinnuteqaatit aningaasaqarnermut ataatsimiititaliap 2009-mi marsip 10-ani ataatsimiinnermini suliarai. Aningaasaqarnermut ataatsimiititaliaq suliamik eqqartuereerluni aalajangerpoq, illuutit pineqartut (B-87 aamma B-88) kommunimut/nunaqarfimmi aqutsisunut tunniunneqarsinnaannginnersut pillugit Pilersuisoq apeqquteqaateqarfigineqassasoq.

Illutoqqat iluarsartuunnissaat pisariaqarmat, tunniunneqarnerinullu atatillugu illutoqqat katersugaasivittut atorneqarnissaat siunertaammat, Kangaamiuni nunaqarfimmi aqutsisunut akeqanngitsumik tunniunnissaannut, 2009-mi marsip 24-ani allakkatigut kommunip Pilersuisup siulersuisui soqutiginninersut paasiniaavigalugit apeqquteqaateqarfigai.

Saaffiginnissut suli akineqanngimmat, Pilersuisoq A/S-ip siulersuisui 2009-mi novembarip sisamaani eqqaasitsissummik kommunimit allaffigineqarput.

Innersuussut

Nassuiaat tusaatissatut tiguneqassasoq, kommunalbestyrelsimut innersuussutigineqassaaq.

Aalajangiineq

Innersuussutigineqartoq akuersissutigineqarpoq.

Aningaasaqarnermut ataatsimiititaliaq suliamik ingerlatsissaaq.

Ilanngussat

1. Efraim Olsen-ip 2009-mi novembarip aappaani e-mailerutaa
2. Aningaasaqarnermut ataatsimiititaliap 2009-mi marsip 10-ani suliamik suliaqarnera
3. 2009-mi marsip 24-ani aamma 2009-mi novembarip sisamaani kommunip allakkiai.

Qeqqata Kommunia

Kommunalbestyrelsip novembarip 24-ani 2009-mi ileqquusumik ataatsimiinnera 06/2009

Imm. 23 Tamalaat

Maniitsumi kommunip allaffissuata atorneqarneranut Godmand Rasmussenip apeqquteqaataa borgmesterimit akissuteqarfigineqarpoq.

Ataatsimiititaliat siulittaasuisa naapinneqarsinnaanerata pillugu Godmand Rasmussenip apeqquteqaataa borgmesterimit akissuteqarfigineqarpoq.

Sarfanguani Itillimilu nunaqarfinni aqutsisut ataatsimeeqatigiinnissaannut atatillugu angallannermut tunngasunut Anda Berthelsenip apeqquteqaataa kommunimi pisortaanermit akissuteqarfigineqarpoq.

Ukiormanna kommunalbestyrelsip ileqquusumik ataatsimiinnera kingulliummat Partiit tamanut qujassuteqarput.